



M



SOL FLAMMA,

SIVE

TRACTATUS

DE SOLE, VT FLAMMA EST;

EIVSQUE PABULO.

Sol exurens montes, & radios igneos exsufflans.
Ecclef. 43.

APHORISMI

ANALOGICI

PARVI MVNDI AD MAGNUM

MAGNI AD PARVVM.



PARISIIS,

Apud	{	SEBASTIANVM CRAMOISY,	} via Ia-	
		Architypographum Regis,		} cobea,
		& Reginae Regentis :		
		ET		
	{	GABRIELEM CRAMOISY.	} conis.	

M. DC. XLVI.

CVM PRIVILEGIO REGIS.

THE
 NATIONAL
 BUREAU OF
 INVESTIGATION
 DEPARTMENT OF JUSTICE
 WASHINGTON, D. C.
 JULY 1, 1931



TO THE
 DIRECTOR
 NATIONAL BUREAU OF INVESTIGATION
 DEPARTMENT OF JUSTICE
 WASHINGTON, D. C.



SERENISSIMO PRINCIPI
 ARMANDO
 BORBONIO
 PRINCIPI
 DE CONTY.



VNDVM tibi fisto, PRIN-
 CEPS SERENISSIME, non
 pictum, fictúmque, aut,
 vt Cosmographicis in tabu-
 lis, rudibus lineis adumbratum,
 sed arte noua, miróque genio,
 dicámne ex magno, quantus
 quantus est, collectum in exi-

*

ã ij

EPISTOLA.

le, ac breue corpus; an ex tantillo, quantus homo est, im-
mensa in spatia diffusum? v-
trumque dicam; cùm sistam v-
trumque, & paruum in magno,
& magnum in paruo, tam aptè
positum, mutuísque perpetuæ
Analogiæ nexibus complexum,
vt alterutrū qui videat, vtrum-
que intelligat; maximè præ-
eunte Sole, noui operis nouo
Prodromo, aut, ne quis sit of-
fensionis locus, Antecessore. Ne-
que verò tibi cur sistam potissi-
mum quæres ex me, aut quís-
quam alius, qui te norit. Satis
tibi conscius es humanitatis &
facilitatis tuæ, quâ neminem
non admittis, addictos verò tibi
& benignè suscipis, & foues.

EPISTOLA.

Norunt autem omnes , qui sanguinis tui splendorem toto orbe clarissimum suspiciunt, quantum ornamenti afferas studiis literarum, in iis dum versaris , vt ea tibi quodam iure , ac propè mancipio sint deuincta. Hæc ita sint licèt , aliud est tamen quod me mouit. Æquitas, & à nostra Philosophia ius sancitum. Nempe ex quo dedisti in oculis totius Galliæ, ac celeberrimo literarum theatro, eruditionis argumenta tam illustria, quà dissoluendo impedita quæque facilitate incredibili, quà difficilia, ardua, & abstrusa complanando, & illustrando, totam se tibi , suâque omnia addixit Philosophia tanto ardore, vt vo-

EPISTOLA.

tis communibus te deinceps
difficultatum suarum, & inuen-
torum non disceptatorem, vt
plerosque, sed, quod tibi vult
esse tuum, arbitrum, & iudi-
cem deposcat. Quare, cùm hisce
temporibus miris studiis, ac ge-
nerali penè doctorem homi-
num contentione, Hypotheses
& Orbis Systemata concinnen-
tur, quibus ea, quæ fiunt vtroq;
in Mundo, Paruo, & Magno,
explicentur facilè, & sub ocu-
los ponantur, patieris pro hu-
manitate tua, vt placitis Philo-
sophiæ, & votis obtemperem,
& quam extorsi ab vno ex ami-
cis meis ingeniosè compo-
sitam Mundi vtriusque Analo-
giam cum Sole præuio tibi of-

4

EPISTOLA.

feram in perpetuum obsequij
 erga te mei monimentum. Ita
 Mundus qui nomen habet ab
 ornatu , à te trahet ornamen-
 tum: Ita Sol ille nouus à te splen-
 dorem mutuabitur, vel potiùs
 in hoc orbe te Solem agnoscet
 suum. Latere voluit auctor,
 quoniam à te beneuolentiam
 magis, quàm laudem expectat:
 quamquam illius iam planè cer-
 tus est, quandoquidem sub meo
 nomine profitetur obsequium;
 at nemo tibi obsequi potest,
 & repudiari. Erit igitur in hoc
 opere, re duplex, vnus nomine,

CELSITVDINIS TVÆ

Seruus obsequentissimus
 PETRVS BOVRDIN.

SYMMA PRIVILEGII
Regis Christianissimi.

CAVTUM est auctoritate Regis, ne quis
in regno suo, aliisque locis sue ditioni sub-
iectis intra decem annos proximos, librum qui
sic inscribitur, Sol flamma, siue tractatus de
Sole, ut flamma est, eiusque pabulo. Apho-
rismi Analogici parvi mundi ad magnum ma-
gni ad paruum, &c. absque Sebastiani Cra-
moisy Architypographi Regis & Regina regentis
permissu, imprimat, aut diuendat, à die pu-
blicationis horum exemplarium: qui sacris fece-
rit multa indicta, prout amplius in diplomate
regio continetur, coërcebitur. Datum Parisiis die
8. Februarij 1646. Sic signatum, De mandato
Regis, C RAMOISY.

SOL FLAMMA,

SIVE

TRACTATUS

DE SOLE, VT FLAMMA EST,

EIVSQVE PABVLO.

7712

P R Æ F A T I O

A D L E C T O R E M.

QUOD singulis hebdomadis occinit Ecclesia,

Quarto die qui FLAMMEAM

Dum Solis accendis rotam:

probare nitimur hoc opusculo (studiose Lector.) Ecclesia qui verbis vititur sentire male non potest, quoniam illa etiam inter canendum seria semper, numquam falsa loquitur. Solem flammam esse quidam ex sanctis Patribus putauere, crediderunt ante annos bis mille Philosophi Solem ali vaporibus; Quis prudentiam in opinione nostra requirat? quis nouitatem carpat, cui Religionis nostra proceres, cui secula viginti pepererunt auctoritatem? Certè si difficultates extricemus, si discutiamus umbras omnes, quas Philosophi posteriores inuexerunt in hanc materiam; æqui bonique consulent, nos Soli reddere lucem, in quo ante aliquot annos tenebras, & maculas ipsi deprehenderunt. Solem dicemus esse FLAMMAM, sed hac flamma carebit fumo, nihil nocebit oculo, nisi quæ iam lippitudo vexat.

P R Æ F A T I O.

Quod si quis primo aspectu rationes nostras non satis pernuadat, fateatur hominem ex tenebris exeuntem primum, ad videndum Solem parum idoneum esse: at si pergit cacutire, intelligat non esse omnes oculos Soli aspiciendo pares. Iampridem editus erat ille philosophia fœtus, sed tamen ad hoc usque tempus luce caruit, quamvis de Sole loqueretur. Hanc accipiet ex oculis tuis (benevole Lector.) Dum igitur fictitium Solem è celo deiicit, ut reponat verum, ex ratione, non præiudicio, de eius labore indica. Si in animo tuo affigitur quod intendit, calum se non digito, sed mente contigisse gloriabitur.

SOL



SOL FLAMMA,
SIVE
TRACTATVS
DE SOLE, VT FLAMMA EST,
EIVSQVE PABVLO.

QVÆSTIO PRIMA.

An sol sit flamma.

CAPVT PRIMVM.

*Auctores, & argumenta sententia
negantis.*



RISTOTELES, & post illum
peripatetici, negat solem esse
flamman his argumentis.

I. Quod est incorruptibile,
non est flamma: Sol est incorruptibilis:
Id enim, in quo tot sæculis nulla appa-

*

A

ruit nota corruptionis, est incorruptibile. ergo sol non est flamma.

II. Flamma, ut patet experientia, non conseruatur sine pabulo, sol conseruatur sine pabulo, ergo sol non est flamma. Probat minor: quia tanto corpori, quantus est sol, maior scilicet globo terræqueo centies, & quadragies, pabulum sufficiens assignari non potest: ergo sol conseruatur sine pabulo.

III. Flamma non est semper eadem, neque seruat motum determinatum, & æquabilem: quia perpetuò mutatur, obuiamque materiam quamlibet circumfusam perturbatè, ac sine ordine sequitur, ac depascitur. Atqui sol est semper idem, seruâtque motum determinatum, & æquabilem, ergo sol non est flamma.

IV. Flamma non est rotunda, sed oblonga; vel certè illius figuræ, quam accipit à materia: sol est rotundus ut patet, ergo sol non est flamma.

V. Tanta flamma, quantus est sol, combureret vniuersum. Atqui sol, ut patet, non comburit vniuersum, ergo sol non est flamma.

VI. Flamma, quod est propius magis calefacit; sol, quod est propius, non

magis calefacit: vicinior enim est nobis hyberno tempore, quàm æstiuo: minùs tamen calefacit nos hyeme, quàm æstare: Item minus calefacit aërem viciniorem, quàm remotiorem; nempe mediam aëris regionem, quàm infimam: densantur enim vapores transeuntes ab infimâ ad mediam: quia transeunt de magis calidâ ad minus calidam, ergo sol non est flamma.

V I I. Flamma per ampullam, seu vitrum cauum, aut conuexum non comburitur stupam, sol comburit, ergo sol non est flamma.

CAPVT II.

Auctores sententia, quæ docet solem esse Ignem.

HOc innuit scriptura cap. 43. Ecclesiastici, vers. 4. his verbis. *Sol exurens montes; radios igneos exsufflans.* In quæ verba sic loquitur Cornelius à Lapide. *Ex hoc loco, & similibus, nonnulli veteres, quin & moderni insignes Mathematici censuerunt, & censent, solem esse igneæ naturæ, adeoque ipsum verè esse ignem, & fornacem cælestem. 1º. quia id videtur do-*

A ij

cere hoc loco Syracides. 2°. quia id videtur arguere ardor eius, qui tantus est, ut omnem ignis ardorem superet. 3°. quia omnis lux, qua ex se vibrat lumen, & radios, est ignis. si enim lux ignis est flamma; pariter lux solis est flamma; & ipse, ignis. 4°. quia id videntur arguere macule, & facule, qua per tabulum opticum assidue in sole volui, & reuolui, cernuntur. & paucis interiectis. Anaximander docuit solem esse ignem purissimum; Stoici omnes docent solem esse igneum, pascique, & ali vaporibus ex aquis, & terrâ sublati, & ad se attractis: quod etiam sequitur, ac tuetur Balbus apud Ciceronem lib. 2. de nat. deorum, & post eum Plinius l. 2. c. 9. Seneca l. 7. natur. questionum. Item nonnullis additis de sententiâ quorundam Patrum, sic ait. Solem quoque esse ignem disertè asserit Tertullianus l. de ani. c. 8. in fine. S. Basilus homil. 3. hexaemeron. S. Ambrosius lib. 2. hexaem. Casarius q. 68. S. Chrysostomus homilia 6. in Gen. Procopius in c. 1. Gen. Arnobius l. 2. & 8. contra gentes. Anastasius Sinaita l. 2. hexaem. Lactant. l. 2. c. 6. Alcuinus & Beda q. 1. in Gen. Isidorus l. 3. origin. c. 48. Hugo Victorinus in Gen. cap. 1. hinc & Ecclesia in hymno quarta feria ad vesp.

Sol flamma.

9

Quarto die qui flammeam

Solis rotam constituens.

Vel, Dum solis accendis rotam.

Fauet Ethimon Hebr. sol enim Hebraicè vocatur Schames, quasi dicas, Scham es, id est, ibi ignis: sicut celi ex aquis conflati vocantur Schamain, id est, ibi aqua. Denique recentiores nonnulli mathematici, qui per dioptras efficacissimas solem; solisque figuram, efficacissimè multis annis obseruauerunt, asserunt solem esse ignem. haftenus Cornelius à lapide. vide pro hâc, de solis igneâ naturâ, sententiâ, auctoritates apud Scheiner à pagina 625. ad 657. Rose vrsina, & Lanbergium de vero typo primi Cæli pag. 40. sub initium, vbi sic loquitur, videmus enim solem nihil aliud esse, quàm ignem. nouissimè Renatus des Cartes solem docet esse flammam. Scheiner lib. 2. cap. 4. Rose vrsinae hæc habet. Per helioscopium in sole vidi faculas, quæ respectu circumstantium superficierum haud aliter obuenant oculo, quàm si quis ex editissimo loco in planiciem terrestrem despiciens multos, ac diuersimodos, hinc inde, intueatur lacus; multas piscinas; multas paludes: Aut mane, vel vespere, sereno alioquin cælo, sparsas hinc inde tenues nubes, præ reliquo æthere, ex imbibito solis ra-

dio fulgidas, atque albicantes: Aut sicut seren-
 nis noctibus via lactea sereni cali plaga inter-
 micanti veluti chrystallo distinguitur; ita ex
 aliis phæbei disci campis, carbunculorum in-
 star, effulgescunt ista flammarum lucula. ha-
 tænus P. Scheiner. Ibidem paucis inter-
 iectis. Si helioscopio maxima virtutis usus
 fueris, hæc nouissima, & hætenus nulli cogni-
 ta, aut euulgata, videbis. 1°. totam solaris he-
 misphærij apparentis superficiem heteroge-
 neam ex umbris, atque luculis conflatam.
 2°. aspectabis eundem solem, tanquam mare
 fluctibus asperum; & fluctuantibus crispum.
 Perpende quæso, lector, quanti debeant
 esse fluctus, qui oculum in terris positum
 mouere possint. Pergit Scheiner. Ne-
 que id modo eodem, diuerso tempore, sed ho-
 die aliter, quàm heri, & cras aliter, quàm ho-
 die: & sic nunquam eodem schemate, eodem
 vultûs habitu (quod mirabilissimum est) sidus
 illud aureum aspicias. hæc ibi. libro item
 tertio in notis ad imaginem solis 70. §.
 de luculis sic habet. Imaginare lacum ali-
 quem, vel mare tranquillum, molli aurâ cris-
 patum, solis fulgore illustratum: ista crispitu-
 do offert visui alternas umbras, & luces, è
 vel vario, vel nullo, radiorum solarium ad ocu-
 lum reflexu. Qualis igitur tum superficies

aquoris ; talis ex hac apparitione occurrit solis. Idem l. 4. parte 2. cap. 11. §. Septima veritas , sic loquitur. Superficies solis appa-rens, non geometricè aquabilis, nec optice re-rsa, aut polita , sed astronomice spherica est, instar maris fluctuantis : Terræ , & lune montibus, vallibusque amfractuosa.

Quàm ista omnia flammæ conueniant; nemo non videt.

CAPVT III.

Solem esse corruptibilem.

HOc docet scriptura dum ait cælos esse corruptibiles, Psal. 101. *Iniitio tu Domine terram fundasti, & opera manuum tuarum sunt celi. Ipsi peribunt, & omnes sicut vestimentum veterascent, & sicut operatorium mutabis eos, & mutabuntur. Quæ similitudines ostendunt prophetam agere de corporibus illis, quæ vniuersum, tanquam vestimentum operiunt, quales sunt cæli; in quibus sunt astra, & planetæ. Idem docet D. Petrus epistola 2. c. 3. his verbis. Cæli autem, qui nunc sunt (nempe astra & planetæ) & terra, eodem verbo repositi sunt, igni reseruati in diem iudicij. Et, ne quis putet, ipsum per cælos intelligere*

aërem, sic subdit. *Adueniet autem dies Domini ut fur, in quo cali magno impetu transsient, elementa vero calore soluentur; Terra autem, & quæ in ipsa sunt, opera exurentur.*

Idem docent Patres omnes, qui cælos ex aqua factos existimant. Vide, quæ docet, & auctores, quos citat P. Christophorus Scheiner l. 4. de *Rosa vrsina*, parte 2. c. 24. Hoc etiam probat istud argumentum. Corpus, in quo sunt aliquando maculæ, aliquando non sunt; aliquando plures, aliquando pauciores; aliquando maiores, aliquando minores; aliquando planæ, aliquando sphæricæ: corpus item, cuius partes aliquæ sunt aliquando lucidiores, aliquando minùs lucidæ, est corruptibile. Atqui sol est corpus; in quo sunt eiusmodi maculæ, & faculæ, ut patet ex telescopio, & parallaxi, quæ docent hæc omnia non distare à sole: ergo sol est corruptibilis. vide *Rosam vrsinam*. Ex hac responsione facile est colligere nullum esse argumentum, quo nonnulli dicunt siderum motus esse ab intelligentiâ creatâ: quia seruant eundem semper tenorem: Contrarium enim ex illis motoribus colligitur. nam, cùm intelligentiæ creatæ agentes per intellectum sint.

defectibiles, neque ad illos motus à naturâ determinatæ; concludendum esset siderum motus non esse certos. Si autem motus illi sunt à naturâ, non possunt non esse regulares, ac certi, cum ipsa natura sit ad vnum determinata, & secundum auctorem suum, nempe Deum, constantissima. Motus ergo circularis, & proprius, qui conuenit soli, quærendum est in Mundo corporeo principium effectuum, proximum, naturale, necessarium, ac determinatum: id est semper faciens quicquid potest: aliud autem non est, quam propria natura solis, ut partis mundi, loco tali constitutæ.

CAPVT IV.

Quid sit flamma.

ANTE QUAM probemus solem esse flammam, explicanda est flammæ natura, per hanc definitionem. *Flamma est ignis fluens, ac lucens, propter inuolucrum pingue, quod sibi facit erumpens ex pabulo.* Explico. flamma est ignis, nempe corpus rarum, leue, & calidum, propter spiritus ardentes, siue igneos paullo maiores, in

toto illo, quod appellatur *ignis* dominantes: Quâ de re in physicis aphorismis.

Fluens hoc est varians partes propter lationem totius, ac resistantiam contrigui; siue actiuam, qua mobilis pars remouetur; siue passiuam, quâ sistitur. Inde oritur *volutatio* partium, composita ex latione recta, & circulari, *condensatio* per vnionem densarum partium, *rarefactio* per vnionem rararum. (Quid autem sit densum; quid rarum, dictum est in aphorismis physicis prima parte c. 2.) His omnibus interna *figuratio*, seu *uariatio* consequens est.

Ignem ita fluentem per inuolucrum comitatur aër, quem erumpens ex pabulo hinc inde, collegit ipse ignis, secum permiscuit, & in inuolucrum suum inclusit. Vnde ventus, siue aëreum fluidum, multam flammam circumstans.

Hunc ignis fluxum per inuolucrum in flammâ explicat fluxus aquæ in riuo, fluuiò, & mari, per alueum. Nam quemadmodum principium aquarû fluentium in riuo, fluuiis, & mari, sunt varij fontes, & corpora polis vicina, quorum poris, & particulis, aquarum guttulæ, siue aquei spiritus continentur, & per coniunctionē cum

abundantioribus , ac visibilibus aquis , earumque motum , separantur ab intermediis , & sunt sensibiles aquæ , deorsum fluentes ; ita principium ignium fluentium per inuolucrum in flammis , & sole ; sunt varij fontes ignei , nempe corpora pingua per mixtionem terræ , & ignis ; quorum poris & particulis ignei spiritus continentur , & per coniunctionem cum igne abundantiori & eius motum separantur ab interiectis , eoque celerius , quò maiores , & magis ignei sunt pori , frequentioresque particularum facile separabilium vniones , fit flamma , siue ignis sensibilis , ac visibilis , & sursum per inuolucrum fluens.

Et quemadmodum , si non sit , quo fluat riuus , spiritus aquei , fonte , seu scaturigine , contenti desinunt moueri , & vniri simul ; manentque suis in poris , & particulis diuisi , ac separati ; nempe , quia non educuntur , nec foràs trahuntur ex fonte per aquas continuas trahentes , seu post se vehentes , ac deorsum fluentes ; vt patet in aquis putealibus ; Ita , si non sit , quò fluat ignis in flammâ , spiritus ignei fonte , seu pabulo contenti , desinunt moueri , manentque suis in poris , ac particulis , per

intermedios diuifi, ac separati: Nempe, quia non educuntur, nec foras trahuntur, ex pabulo per ignem continuum trahentem, seu post se vehentem, & fursum fluentem, vt patet in flammis suffocatis, aëre, & quem in suum claudant inuolucrum, & per quem celeriter, tanquam per medium, moueantur, destitutis.

Et quemadmodum riuus in aëre non potest consistere; ita neque flamma.

Et quemadmodum aqua per canalem fluens, videtur pro dispositione canalis fursum retorti, moueri fursum, licet reuera per grauitatem deorsum fluat, quatenus superficiei partem habet liberam, id est, aëre contiguo, infra quem mouetur, superiorem; Ita ignis in flamma per suum inuolucrum, tanquam per canalem fluens videtur pro dispositione canalis à corporibus circumstantibus deorsum reflexi, deorsum fluere, licet reuera per leuitatem propriam fursum fluat, quatenus ipsa flamma superficiei, siue inuolucris, partem habet liberam, id est aëre contiguo, supra quem mouetur, depressiorem.

Est autem hæc differentia inter fluxum riuus siue aquæ, per alueum; & flammæ, siue ignis, per inuolucrum; quòd fluxus

flammæ sit multò vehementior, ac celerior, quàm riui. Ignis enim, quia multo mobilior est aquâ, multo vehementiùs, ac celeriùs, erumpit ex pabulo, quàm aqua ex fonte.

Ex ista mobilitate ignis sequitur alius ipsius fluxus: nempe, quo diuisus in spiritus igneos subtilissimos transpirat, & erumpit per inuolucris sui poros in aërem vicinum. Et ab hoc fluxu flamma dicitur *lucens*. Hi enim spiritus ex flammâ per inuolucris poros erumpentes, sunt *lucidi*, hoc est apti ad mouendum animalis visum. Ab his spiritibus Perspicuum flammæ contiguum illuminatur. Illuminari enim Perspicuum aliud nihil est, quàm spiritus lucidos, vt lucidi sunt, per ipsum fluere.

Hic fluxus spirituum lucidorum in Perspicuo est in omnem partem, per aduentum, & coniunctionem Aduentitiorum (hoc est, de nouo erumpentium ex flammâ) cum Insitis, hoc est, iis spiritibus lucidis, quibus facilè per se mobilibus, refertum est corpus, quod appellamus Perspicuum.

Hic fluxus, qui dicitur *Illuminatio*, comparari potest cum fluxu aquæ in om-

nem partem ex rotundo vase defluentis, propter aduentum, & coniunctionem guttarum aquæ pluviæ decidentis. Erumpentes ex flamma lucidi spiritus comparantur guttis aquæ pluviæ decidentis; vas continens aquam ad fluxum paratissimam, Perspicuo; & nubes, flammæ.

Per hanc spirituum lucidorum ex flamma per inuolucri poros eruptionem, ignis in flamma dicitur *lucens*, ut iam dictum est, ipsa enim eruptio dicitur *lux*: à quâ ipsa flamma dicitur *corpus lucidum*, & spiritus ipse *lucens*. qua de re fusiùs in tractatu de lumine, & visione.

Pingue est flammæ inuolucrum, quia pabulum, ex quo illud sibi componit ignis erumpens, est humidum pingue. Rem explicat bulla, quæ flammæ comparatur, quatenus est aer aqueo clausus inuolucro, quod sibi ipse facit emergens ex aqua. Flamma autem pyramidalis est, quia sursum mobilior est ignis, quàm aer.

CAPUT V.

Solem esse flammam.

SIc probatur. Quod paret flamma, & habet omnes, & solos Sectus flam-

mæ, est flamma : atqui sol paret flamma
(vt patet respicienti per telescopium ;
quo , vt docet Scheiner lib. 2. *rosa vrsi-*
næ cap. 4. deprehenduntur in sole multa
flammæ signa) habetque omnes , & so-
los effectus flammæ ; qui sunt *illuminare* ,
calefacere , & *inflammare* ; hæc enim tria ,
& non plura , conueniunt soli per se sum-
pto. nam generationes animalium , plan-
tarum , & metallorum ; & alia , quæ ipsi
tribuuntur ; non sunt à sole per se sum-
pto , seu peculiari ; & proximo agente : sed
ab eo , vt actionem particularem , vel astri ,
vel horum inferiorum , complente per
lumen , & calorem ; vnde flamma ingens ,
& pura , si qua esset apud nos debite ap-
plicata ; posset supplere actionem solis .
& verò in quibusdam nonnulli ignes , seu
flammæ , seu carbones , supplent aliquan-
do. ergo sol est flamma. Tanta est huius
argumenti vis , vt nullum sit aliud ad pro-
bandum aliquid esse id , quod est , poten-
tius ; si diuinam auctoritatem excipias .
Hoc argumentum confirmatur ex eò ,
quòd nullum videamus lucidum vehe-
mens , præter flammam : eoque vehe-
mentius , quò flamma est purior , & maior :
sique alicubi esset tanta flamma , quantus

est sol; non minorem ei, quàm soli, tribueremus illuminationem. Hinc sumitur assertionis confirmatio. Corpus, cui per se conuenit, quod omni, & soli flammæ conuenit, est flamma. Sol est corpus, cui per se conuenit, quod omni, & soli flammæ conuenit. ergo sol est flamma. Probatur min. Lucere vehementer est id, quod omni, & soli flammæ conuenit. Sol est corpus, cui per se conuenit lucere vehementer; ergo sol est corpus, cui per se conuenit, quod omni, & soli flammæ conuenit.

CAPUT VI.

Satisfit argumentis initio propositis.

AD primum respondetur negando Min. ad probationem in eâ contentam patet responsio ex cap. 3. ubi ostenditur in sole apparere notas corruptionis. Et verò, licet in eo nulla deprehenderetur mutatio, non tamen inde concluderetur esse incorruptibilis; cùm aliunde habeamus argumentum corruptibilitatis, nempe maculas & faculas. Et certè, si tantum distaremus à terrâ, quantum distamus à sole; nullam in eâ deprehenderemus

remus mutationē: Inde autem malè colligeremus incorruptibilitatem; cū reuera sit corruptibilis. At quemadmodum terra sit licet corruptibilis, non tamen simpliciter corrumpitur, sed simpliciter manet, quia quantum de illā perit, tantundem reparatur; ita sol, etiam corruptibilis, non tamen ita corrumpitur, quin simpliciter maneat: quia, quantum perdit, tantum acquirit. Ita maximi fluuij sunt perennes, quia licet aqua perpetuò fluat, aqua de nouo semper aduenit. Idem dicendum est de mari, vt dicetur q. seq. & docet Arist. lib. 2. meteor. sum. 1. cap. 3. sub medium, ibi enim docet ignem, aërem & aquam, eadem permanere, non numero, sed specie; idem de terra docet eodem c. paulo ante finem.

Ad secundum respondetur, negando Minor. Ad probationem illius negatur Ant. vt patebit ex tota quæstione seq.

Ad tertium respondetur, negando Mai. si enim est æquabilis materia, & æquabilis dispositio, vt reuera est in pabulo solis; flamma est æquabilis, vt patet in flammâ cerei, vel candelæ bene dispositæ. Mutatur quidem semper: at mutatio ita non est minus æquabilis, quàm motus aquæ

perpetuò nouæ sub ponte in eadem quantitate, & per idem spatium fluentis: quod non est minus mirabile, quàm quod dicimus de sole.

Ad quartum respondetur, negando Min. sol enim est oblongus, videtur tamen à nobis in terrâ degentibus rotundus: quia videtur solùm basis illius pyramidis, quam facit sol. Illa autem basis, quâ parte nos respicit, est rotunda, seu sphærica, seu conuexa. Prætercà omnia corpora multùm distantia videntur sphærica, seu rotunda, quia radij angulorum non perueniunt ad nostros oculos.

Ad quintum respondetur solem in mundo sic esse collocatum, vt vniuerso nocere non possit: Aërem inflammare non potest, quia non est pinguis: neque globum terraqueum, quia nimia est distantia: præterquàm quòd calor, siue actio solis est multo minor versùs terram, quàm versùs Firmamentum quò fertur: & hoc patet in nostris flammulis. Firmamento nocere non potest, neque astris aut planetis, quia non sunt corpora inflammabilia.

Ad sextum respondetur distinguendo Maior. cæteris paribus, concedo Maior.

non paribus; negatur Maior. Ad probationem in eâ contentam respondetur, non in omnibus terræ locis maius esse frigus, quando sol est propior terræ; sed tantum in iis, quibus radij sunt magis obliqui: In aliis autem, quibus sunt recti, maior est calor, cæteris paribus, quàm in iis etiam quibus radij sunt quidem recti, at sol est remotior. Ad id, quod dicitur de mediâ regione aëris, Respondeo duas esse maioris in eâ, quàm in infimâ, frigoris causas: Alteram, vaporum in eâ refrigerationum, vel propter evanescentes in aërem superiores spiritus igneos; vel propter occursum, & actionem corporis frigidi, per illam regionem descendentis: Alteram, minorem quantitatem spirituum igneorum, quàm in eâ, quæ terræ vicina est; ubi maior est radiorum, atque adeo caloris, propter reflexionem, copia: plures item ignei spiritus è terræ visceribus erumpentes.

Ad septimum respondetur distinguendo Maior. flamma parva; conceditur Mai. flamma ingens, qualis est sol, negatur Mai. vnde negatur consequentia: & certè si vehemens est flamma; comburit per reflexionem, ut patet in fornacibus;

vbi liquatur ferrum. Flamma enim vicina follibus non minùs, quàm sol per reflexionem stuppam accendit.

QVÆSTIO SECVNDA.

An sol nutriatur vaporibus?

PER *nutriri* non intelligo nutritionem, quæ viventibus conuenit, per quam res vna numero crescit, vel certè conseruatur: sed continuationem, & successiōnem partium eiusdem rationis, per quam partes de nouo fiant, succedantque in locum abeuntium: quod est conseruari secundum speciem, per fluxum continuum, non autem secundum numerum, per nutritionem: hæc enim solis viventibus conuenit: sol autem non est corpus per se viuens, cùm partes non habeat organicas. Itaque, dum quæritur an sol nutriatur vaporibus? quæritur an sol conseruetur in loco, vbi est fluenter, ac successiue, vaporibus qui mutantur in flammam ad continuandum solem? Quod dictum est de nutritione dicendum est de pabulo. pabulum enim hîc sumitur pro

materiâ, ex quâ fiunt siue educuntur successiue partes flammæ solaris, in locum abeuntium succedentes. sic aër, ex quo successiue aquæ generantur in fonte, appellari potest aquæ pabulum.

CAPVT I.

Proponuntur varia sententia.

PLERIQUE nunc fatentur solem esse ignem: & certè P. Christophorus Scheiner *in sua Rosa vrsina*, tam multis auctoritatibus, tamque firmis argumentis id confirmat, vt rem persuadeat. verùm pauci admodum loquuntur de illius pabulo, seu materiâ, qua conseruatur.

1°. Sunt, qui dicant solem non magis indigere pabulo, quàm ignem elementarem; atque adeo non esse quærendum illius pabulum. Refellitur ista sententia, quia sol non potest esse purus ignis, quum sit tantæ lucis; est ergo mixtum igneum, quale descripsimus capite 4. quæstionis præcedentis.

2°. Alij dicunt solem esse ignem solidum ac densum, in cuius cavitatibus sit materia sufficiens ad illius pabulum: quo

B iij



vbi liquatur ferrum. Flamma enim vicina follibus non minùs, quàm sol per reflexionem stuppam accendit.

QVÆSTIO SECVNDA.

An sol nutriatur vaporibus?

PER *nutriri* non intelligo nutritionem, quæ viventibus conuenit, per quam res vna numero crescit, vel certè conseruatur: sed continuationem, & successionem partium eiusdem rationis, per quam partes de nouo fiant, succedantque in locum abeuntium: quod est conseruari secundùm speciem, per fluxum continuum, non autem secundùm numerum, per nutritionem: hæc enim solis viventibus conuenit: sol autem non est corpus per se viuens, cùm partes non habeat organicas. Itaque, dum quæritur an sol nutriatur vaporibus? quæritur an sol conseruetur in loco, vbi est fluenter, ac successiuè, vaporibus qui mutantur in flammam ad continuandum solem? Quod dictum est de nutritione dicendum est de pabulo. pabulum enim hîc sumitur pro

materiâ, ex quâ fiunt siue educuntur successiue partes flammæ solaris, in locum abeuntium succedentes. sic aër, ex quo successiue aquæ generantur in fonte, appellari potest aquæ pabulum.

CAPVT I.

Proponuntur varia sententia.

PLERIQUE nunc fatentur solem esse ignem: & certè P. Christophorus Scheiner in sua *Rosa vrsina*, tam multis auctoritatibus, tamque firmis argumentis id confirmat, vt rem persuadeat. verùm pauci admodum loquuntur de illius pabulo, seu materiâ, qua conseruatur.

1°. Sunt, qui dicant solem non magis indigere pabulo, quàm ignem elementarem; atque adeo non esse quærendum illius pabulum. Refellitur ista sententia. quia sol non potest esse purus ignis, quum sit tantæ lucis; est ergo mixtum igneum, quale descripsimus capite 4. quæstionis præcedentis.

2°. Alij dicunt solem esse ignem solidum ac densum, in cuius cavitatibus sit materia sufficiens ad illius pabulum: quo

B iij



modo subterraneis ignibus materia quædam pinguis, ac subterranea sufficit. Neque hæc sententia videtur vera; tùm quia totus sol non esset ignis, ne quidem maxima illius pars: tùm quia corpori solido tanta lux, quanta est solis, conuenire non potest. Ignium autem subterraneorum longè diuersa est ratio. Ipsi enim quid sunt ad vniuersam terram? subministratur illis materia ex variâ clementõrum commutatione, seu circulatione, perquam nonnulla mixta minus perfecta fiunt ex igne, aëre, aquâ, & terrâ, quæ sunt pinguis, & humida, & consequenter ignis materia.

3^o. Alij docent solem esse corpus solidum, ac densum, circa centrum, & partes à conuexo remotas: fluidum verò, & rarum, atque adeo flammeum, circa conuexum: non tamen caudatum, neque turbinatum: quia quam habent inclinationem ad centrum eius solidæ partes; eandem habet ad idem centrum illa flamma: proindeque sphaeram facit perfectam, vt aqua respectu terræ, & centri mundi.

Pabulum illius flammæ dicunt esse materiam, quam sol egerat ad extrema: quæ

materia eandem habens cum cæteris inclinationem ad centrum solis, iterum ad illud redit. Fitque iterum materia flammæ; quomodo vapores, & exhalationes egeruntur è globo terraqueo, postea verò redeunt, fiuntque iterum aqua, & terra: atque adeo noua vaporum, atque exhalationum materia; neque illud magis mirabile est, quàm perpetua ex Æthineo monte flamma.

Neque hæc sententia vera est. 1^o. quia telescopium distingueret in sole flammæ, à solido corpore; cùm distinguat maculas, & faculas: eas autem non distinguere certum est. 2^o. quia, quod fuit materia flammæ, & in flammam conuersum, non nisi post multas commutationes redit in materiam flammæ. Fortasse dicent esse circa solem spatium aliquod, vnde quaque corpore solido circumdatum, in quo fiant naturaliter, & successiue, propter loci dispositionem, illæ dumtaxat mutationes, quæ ad flammæ pabulum, seu materiam requiruntur, quale dicitur esse in lucernis perpetuis. At tale spatium respectu solis deberet esse ingens, & in se claudere globum terraqueum: Cùm respectu flammulæ, quæ

fit in lucernâ perpetuâ, tantum ferè sit, quantum est Firmamenti concavum respectu solis : Quale spatium ipsi neque probant, neque concedunt si dicant è centro solis materiam pinguem flammæ capacem eructari, & eodem recidere fæces ex humido pingui à flammâ depasto residuas, easque circa centrum iterum impinguari, fierique materiam flammæ ; Quæram, an totus sol sit ignis? an non? si totus est ignis, non minùs depascet humidum pingue circa centrum, quàm circa extrema, & consequenter aridæ fæces ex flamma residuæ potiùs ibi comburentur, quàm humorem colligant, fiântque iterum materia flammæ. Si totus sol non est ignis, & altera pars non sit combustibilis; non faciet pinguedinem: Si verò sit combustibilis, comburetur. Ex his patet hanc sententiam non esse admittendam. Quod dicitur de Æthna monte, & vaporibus, valde diuersum est ab hâc sententiâ: nam ad flammâs æthneas noua perpetuò colligitur aliunde materia, scilicet mixtâ quædam sulphurea ex aëre, aquâ mediterranei maris, & terra. Vapores autem seorsum igneo calore sublatis, in aëris mediâ regione refrigerantur, & in aquam

redeunt, ac terram.

Hoc etiam habet incommodum hæc sententia, quòd solem faciat corruptibilem, nihilo tamen minus independentem ab aliis totius mundi partibus: atque adeo tollit mutuam inter mundi partes dependentiã, per quam mundus est quid vnum. 4°. Hippocrates lib. de floribus sect. 3. sic loquitur: *Igni spiritus nutrimentum præbet, eoque privatus ignis vivere non potest: atque adeo perennem solis cursum aer perennis, & tenuis esse facit.* Hic aer aliud esse non potest quàm vapor & exhalatio.

5°. Stoici omnes, ut videre est apud Cornelium à lapide in v. 4. c. 43. Eccle. *Docent solem esse ignem, qui pascatur, & alatur vaporibus è globo terraqueo sublatis, & ad se attractis.* Quos etiam sequitur, ac tuetur Balbus apud Ciceronem lib. 2. de nat. deor. & post eum Plinius l. 2. c. 9. Seneca l. 2. natural. quæst. sic loquitur. *Hinc (è terra) profertur, quo sustineantur tot sidera, tam exercitata, tam avida per diem, noctemque, ut in opere, ita & in pastu: Et omnium quidem rerum natura; quantum in nutrimentum sibi satis est apprehendit.* & l. 6. c. 16. apud Scheiner l. 4. *Rosæ ursinæ*, parte 2. c. 28. *totum hoc calum, quod igneus æther,*

mundi summa pars, claudit; omnes hæ stelle, quarum iniri non potest numerus: Omnis hic celestium cœtus; & ut alia præteream, hic tam propè à nobis agens cursum sol, omni terrarum ambitu non semel maior, alimentum ex terreno trahunt, & inter se partiuntur: nec ullo alio scilicet quàm halitu terrarum sustentur: hoc illis alimentum hic pastus est. hæc ille ex sententia, quæ si non est vera certè magnam habebit veritatis speciem, ut patebit ex sequentibus.

CAPUT II.

De Vapore.

PER vaporem intelligo mixtum homogœneum pingue, fluidum, ac leue; ex spiritibus igneis, aëreis, & terreis, aquâ per spiritus igneos rarefactâ, & calore extenuatâ, velut vehiculo contentis: Per mixtum intelligo, non mixtum perfectum, cui conueniat forma substantialis faciens vnâ actu substantiam, seu speciem; sed mixtum imperfectum per localem elementarium spirituum, seu corpusculorum vnionem. Dixi homogœneum, quia licèt vapor ex quatuor elementis, atque adeo partibus heterogœ-

neis constet ; nulla tamen distingui potest eius particula , quæ non sit vapor , & consequenter composita ex quatuor illis spiritibus ; quemadmodum quælibet pars carnis caro est. Pinguedinem habet vapor ab igne maximè , & terrâ ; Fluorem ab aqua & aëre ; leuitatem ab aëre & igne : si terra , & aqua in vapore dominantur , niger est. si terra , & ignis , rubeus. si aër , albus est. si ignis , perspicuus. Qui vaporem ab exhalatione distinguunt , sumunt vaporem pro mixto ; in quo plures sunt aquei spiritus , quàm terrei. exhalationem verò pro mixto , in quo plures sunt spiritus terrei , quàm aquei.

Vapor enim est aqua , leuitate ignis contenti fursùm lata : exhalatio verò est aqua leuitate ignis contenti fursùm lata. Vapor , & fumus , idem quidem sunt , nihilominus tamè distinguuntur per materiam. vapor enim est ab aqueo , fumus autem à terreo , siue , quod idem est , vapor fit ex fluidis , & humidis : fumus ex consistentibus , & siccis. At sæpe cõfunduntur : sæpe item vapore exhalatio continetur.

Spatium quod occupat vapor , seu fumus , ad rationem fluidi & consistentis corporis vnde fit , tantum est , vt nisi ocu-

lus videret, vix animus crederet. Proportio enim vaporis ad fluidum corpus & consistens, videtur esse plusquam centum millium ad vnum. Colligi potest ex fumo, qui oritur ex ligno viridi. Si enim solum fumum, qui fit ex pedali quantitate ligni viridis, vnum in locum Deus colligeret; is esset plusquam centies milles pede maior. Colligi etiam potest ex vaporum copiâ, quæ æstiuis mensibus, sereno cælo, mane, ante solis ortum, supra, & circa fluuios apparet. Ea enim multis partibus est maior ipsis fluuiis; neque tamen videtur vlla fluuiorum diminutio. excessus itaque loci vaporum supra locum fluidi, vel consistentis corporis, ex quo fiunt, æstimari vix potest.

CAPVT III.

Vaporum magnam esse copiam sub Zona torrida.

EX terraquei globi Zonâ torridâ, maximam vaporum emergere copiam probatur primò.

SECTIO PRIMA.

*Primum argumentum ex ipsa loci
constitutione.*

LOCUS vbi est plurima & materia vaporabilis, & virtus vaporans, seu conuertens in vaporem, est locus, vnde maxima vaporum emergit copia. Atqui Zona torrida globi terraquei est locus, vbi est plurima & materia vaporabilis, & virtus vaporans, seu conuertens in vaporem. ergo Zona torrida globi terraquei est locus vnde maxima vaporum emergit copia. Maior est euidens. Hic enim quaestio est de agente, & patiente naturali, quod semper agit, & patitur, quantum potest. probatur minor de materia vaporabili.

Locus vbi est aqua plurima terræ spiritibus & exhalationibus permixta; & terra plurima, quæ vel torretur ardore solis, vel aquæ permiscetur, est locus in quo est materia plurima vaporabilis: atqui Zona terraquei globi torrida est locus, vbi est aqua plurima terræ spiritibus & exhalationibus permixta, qualis est salsa: & terra plurima quæ vel ardore solis torretur,

vel aquæ permiscetur. ergo Zona torrida globi terraquei est locus, ubi est plurima materia vaporabilis. Probatur eadem minor de virtute vaporante. Locus, in quem directis radiis (hoc est per lineam perpendicularem, siue à centro agentis ad centrum patientis ductam) agit perpetuò sol, & alij planetæ, parsque illa Firmamenti, quæ dicitur Zona torrida, respondetque Zonæ torridæ globi terraquei, est locus, ubi est plurima virtus vaporans, seu conuertens in vapores aquam, & terram. Hæc enim sunt cæli agentia potentissima, vt patet. Atqui Zona torrida globi terraquei est locus, in quem directis radiis agit perpetuò sol, & alij planetæ, & Zona torrida Firmamenti: ergo Zona torrida globi terraquei est locus, ubi est plurima virtus vaporans, seu conuertens in vapores. Intelligo autem per Zonam torridam globi terraquei loca etiam Zonæ illi vicina.

SECTIO SECVNDA.

Secundum argumentum ex motu aquarum in occasum.

NO T A N D U M primò aquas maris moueri ad centrum, circa centrum,

& à centro mundi. motus ad centrum est ipsis naturalis à propria gravitate: motus circa centrum conuenit illis per aliud, per terram scilicet subiectam ita dispositam. hoc motu aqua mouetur ad centrum per lineam longiorem, quia breuior impeditur: ac proinde motus ille est inflexus, siue mixtus ex motu ad centrum per se: & motu circa centrum per aliud (scilicet per impediens lineam breuissimam) hoc est ex recto, & circulari: atque adeò, neque est rectus simpliciter, siue simplex; quia non fit per vnā lineam rectam, & breuissimam, ad centrum: neque circularis simpliciter, siue simplex, quia non fit per lineam compositam ex terminis linearum à centro ductarum, quæ sint æquales; sed quæ sint successiuè breuiiores. Motus à centro est aquæ violentus, id est, ab extrinseco moto vel pellente, vel trahente, vel vehente, non concurrente aquâ per aliquid intrinsecum. hîc agimus de secundo motu, nempe de motu aquæ marinæ circa centrum, seu motu mixto, siue inflexo.

Notandum secundò quod nautis experientiâ compertum est, maria omnia extra Zonam, quæ libera sunt (hoc est

non impedita, vel à ventis, vel à terris, vel ab aliis aquis alio motu agitatís) continuò, & absque vllâ interruptione moueri ad Zonam torridam; sex quidem mensibus, sole existente sub signis australibus, à septentrione ad meridiem: altero semestri, sole existente sub signis Borealibus, à meridie ad septentrionem, vt docet Kircherus: & ipsa maria sub Zona torrida (si modo explicato libera sint) moueri ad occidentem: Fluuio autem omnes ad maria: Cui consequens est omnes continuas aquas marium, saltem conuexo vicinas, & fluuiorum, perpetuò, & absque vllâ interruptione moueri motu naturali, seu propriâ grauitate, ad occidentem: Cui consequens est nunquam easdem numero aquas in eodem terræ loco permanere: hoc in fluuiis, quorum aquæ sub eodem ponte semper nouæ sunt, manifestum est.

Notandum tertiò non moueri aquam motu naturali, seu per grauitatem, nisi quando est aëri centro mundi se propiori contigua: moueri autem semper illo motu (si libera sit) quando id contingit, hoc est, quando est aëri, qui centro mundi sit ipsâ propior contigua. hinc oritur

vt in aquâ vnâ continua partes omnes superficiei aëre contiguæ, ac liberæ, vel æqualiter distent à centro, vel perpetuò moueantur, dum fiant æqualiter distantes, & inferiores aëre contiguo: quod fit per motum superiorum ad inferiores, sumendo locum aëris, qui erat contiguus partibus illis superioribus, & centro mundi propior. Quóque maior est aquarum copia remotior à terra, quàm aër contiguus, eò celerior, cæteris paribus, est ipsius motus. Vnde superiores aquæ mouentur inflexo motu celerius, quàm inferiores. Et quia superiores non mouentur, quin secum trahant quantum possunt, propter vnionem naturalem, inferiores, aquæ profundiores, cæteris paribus, mouentur illo motu lentius, quàm minùs profundæ.

Porro tanta est Eoï maris in Indicum celeritas motûs sub æquatore; vt, quemadmodum docet Morinus lib. de terræ motu, vel quiete, cap. 11. p. 109. sit quâuis sagitta maior. Quòd verò, aquæ trahant aquas, patet ex tubo inflexo aquâ pleno, cuius mediæ partes emineant aquis in vase aliquo detentis: & os vnum tubi apertum in aquâ, alterum, & quidem in-

*

C

ferius, apertum item, & extra vas, in aëre sit positum. Aqua enim per os in aëre centro mundi superficie liberâ aquæ propiore descendens, sic trahit aquæ sibi continuæ partes in vase positas, vt eas sursum tollat. his prænotatis sic argumentor.

Locus, vbi simul, & absque vllâ interruptione, leucarū decem milliones aquæ marinæ mutantur in vapores est locus, vnde plurima vaporū emergit copia. Sed Zona torrida est huiusmodi locus, ergo Zona torrida est locus, vnde plurima vaporum emergit copia. Maior est euidens. probatur Minor. Locus, vbi decem leucarum milliones aquæ marinæ simul, & continuò per calefactionem, siue actionem agentis per calorem, ita mutantur, vt desinant esse aquæ marinæ, est locus, vbi simul, & perpetuò leucarum decem milliones aquæ marinæ mutantur in vapores. (Neque enim est aliud, in quod illæ aquæ mutantur) Atqui Zona torrida est locus, vbi decem leucarum milliones aquæ marinæ simul & continuò, per actionem agentis per calorem ita mutantur, vt desinant esse aquæ marinæ. Nam locus, vbi desinunt moueri ad mundi centrum aquæ marinæ, est locus vbi desinunt

esse marinæ. Quod enim semper mouetur, quando est, si non mouetur, non est: nam in necessariis quemadmodum affirmatio est causa affirmationis, ita negatio est causa negationis. Ergo si aquæ marinæ desinunt moueri, desinunt esse aquæ marinæ: & quidem per actionem agentis per calorem, ut patet; nimirum per actionem solis, siue astrorum & ignis subterranei. Atqui Zona torrida est locus, ubi leucarum decem milliones aquæ marinæ (quæ non sunt, nisi moueantur ad centrum mundi, ut patet ex not. 2. & 3.) simul, & continuò desinunt moueri ad centrum mundi: ergo Zona torrida est locus, ubi decem leucarum milliones aquæ marinæ simul, & continuò desinunt esse aquæ marinæ. Et quidem per actionem agentis per calorem: quia non potest assignari aliud agens. Probatur minor. Aquæ, quæ desinunt fieri propiores centro mundi, desinunt moueri ad centrum mundi: sed aquæ sub Zonâ torridâ desinunt fieri propiores centro mundi: nam quod manet in eâdem à centro distantia, non fit propius centro: sed aquæ marinæ manent in eâdem à centro distantia, ut patet: quia neque fiunt altiores, neque profundiores,

vt patet ex littoribus: Et certè si fierent profundiores, vel densarentur, vel penetrarent sibi subiectas, vel subiectæ descenderent in terram, vel aliò mouerentur: nihil horum dici potest. non primum: quia superiores aquæ non premunt inferiores. Deinde, licet condensarentur, si tamen permanerent; tandem per aduentum continuum aliarum superarent littora. non secundum: quia non datur penetratio corporum. non tertium: quia non diuidunt terram sibi subiectam. neque quartum, quia non potest assignari locus, ad quem moueantur. Nam, quod aliqui dicunt esse canales quosdam subterraneos, per quos eadem aquæ, nullâ factâ conuersione, refluant vnde fluxerunt, est contra naturam aquæ; recederet enim à centro.

Dices. aquarum motus sub Zona torrida est circularis. ergo est earundem aquarum refluentium eò, vnde fluxerunt. Antecedens patet, quia est circa terram, ab oriente in occidentem, & perpetuus. patet consequentia; Quia res per motum circularem eò redit, vnde digressa est.

Respondco distinguendo ant. aquarum motus sub Zona torrida est circula-

ris per accidens, & mixtus ex recto. Concedo ant. vt patet ex not. i. est circularis per se, & simpliciter: nego. ant. ac proinde nego consequentiã. Aquæ enim, quæ semper mouentur motu per se recto, & per accidens circulari, semper mouentur ad centrum. Ad probationem antecedentis respondeo cum distinctione, est circa terram ab oriente ad occidentem semper accedendo ad centrum, & perpetuus, per nouas aquas aduenientes, concedo. est circa terram ab oriente ad occidentem, non accedendo ad centrum, & perpetuus per easdem numero aquas, nego. probatio consequentiæ est de motu simplici circulari, quo res eadem numero, & æqualiter distans à centro eò redit vnde egressa est; non autem de re, quæ semper mouetur ad centrum, & ab eo nunquam recedit: qualis est motus fluentis per grauitatem, qui sub Zonâ torridâ marinis aquis conuenit versus occidentem, & extra Zonam ad ipsam Zonam ex meridie, & septentrione, seu Polis. Ex dictis patet aquas maris ibi generari, vnde incipiunt fluere; & ibi desinere esse, vbi desinunt fluere, nempe in eo loco, ad quem semper fluunt, neque tamen ibi augen-

tur. hic autem locus est ea pars Zonæ torridæ, quæ perpendiculariter subiaceret soli: Et quia pars illa perpetuò mutatur versus occidentem, ideo marinæ aquæ successiuè desinunt versus occidentem. quo modo semper desineret fluxus aquæ fontanæ, in eo loco, vbi aqua ipsa cum arenam multa confunderetur, seu per fornacem verteretur in vaporem.

Dices. fluuij intrant in mare, & inde exeunt, vt in illud fluant. ergo aquæ non mutantur in vapores. Respondeo distinguendo antecedens: mediatè, & per conuersionem aquæ marinæ in vaporem, & vaporis in aquâ; concedo ant. immediata, & absque vllâ conuersione; nego ant. atque adeo consequentiam. fit autem reditus aquarum in mare, quatenus aquæ mutantur in vaporem, & vapor tandem in aquam.

Tota vis huius argumenti posita est in eo, quòd aquæ per spatia decem millionum leucarum (neque enim minus occupant aquæ simul, & perpetuò fluentes ex propriâ grauitate) perpetuò moueantur ad vnum locum, centro viciniorem illo, quem per motum suum relinquunt; In eo tamen loco, ad quem omnes illæ aquæ

mouentur, nullum fiat aquarum incrementum. Inde enim sequitur necessariò, vt quanta aquarum copia de nouo semper aduenit; tanta etiam de nouo pereat; id est, mutetur in vapores. neque enim abeunt in nihil; & aliud, in quod mutentur, assignari non potest. Et quia de nouo semper, & simul adueniunt aquæ leucarum decem millionum, dicendum est aquas leucarum decem millionum simul, & absque intermissione, mutari in vapores.

SECTIO TERTIA.

Argumentum tertium ex maris aestu.

COPIAM vaporum sub Zonâ torridâ probauimus ex motu maris ad centrum per se, & circulari per accidens, qui est ab aquarum grauitate, & consequenter naturalis: eadem copia nunc probanda est ex violento motu eiusdem maris, quo mouetur à centro. motus prior est partium maris quæ sunt in summo: cuius vapores aquei sunt magis, quàm terrei: posterior hic motus est ab imo: cuius vapores sunt magis terrei, quàm aquei, vnde dicuntur exhalationes. sic autem proponitur argumentum.

Locus ubi est continuus, ac recipro-
cus motus aquæ marinæ, secundum
quem ipsa maiorem in fluxu ad littora,
minorem in refluxu ad alueum, locum
occupat, est locus, vnde maxima vapo-
rum emergit copia. Sed Zona torrida est
locus, ubi est continuus ille motus aquæ
marinæ: ergo Zona torrida est locus, vn-
de maxima vaporum copia emergit. Pro-
batur Maior. Locus, vnde perpetuò, &
ab omni parte, vapores, & exhalationes
erumpunt, est locus vnde plurima vapo-
rum emergit copia. sed locus, ubi est con-
tinuus æstus aquæ marinæ, est locus, vnde
perpetuò, & ab omni parte vapores, &
exhalationes erumpunt; Igitur locus,
ubi est continuus æstus aquæ marinæ, est
locus, vnde plurima vaporum emergit
copia. Maior est euidens; probatur Mi-
nor. Æstus aquæ marinæ fit propter
erumpentes inde exhalationes, & vapo-
res: ergo locus, ubi est continuus æstus
aquæ marinæ, est locus, vnde perpetuò,
& ab omni parte vapores, & exhalatio-
nes erumpunt sursum. Antecedens ex-
plicatur, & simul probatur.

Æstus marini fieri non possunt natu-
raliter, quin accedente corpore aliquo

maris aquæ intumescant, & eodem abscedente subsidant : vel (quod eodem redit) quin partes aquæ incallescant ; non incalescunt autem sine aduentu corporis naturâ suâ calidi , vt contingit in aquis bullientibus. Illud autem corpus , quo intumescunt , non est aliud , quàm exhalationes , quæ per actionem solis , lunæ , & aliorum planetarum , astrorum , & ignium subterraneorum (quos. in mediâ terrâ contineri docent fodinæ paulo profundiores : tantus enim post emensum spatium frigoris , & humoris sentitur calor , vt ibi fossiores multo tempore viuere non possint) perpetuò fiunt in fundo maris ; indeque per virtutem suam (seu potius igneorum spirituum , quos continent) sursum motricem , ascendunt ad summas maris aquas : Ibi propter illarum aquarum motum , ac terminum , crassitiam , vnionem , siue inclinationem ad partes vniendas , & grauitatem , atque adeo maiorem , quàm inferiorum , ad diuisionem , ac separationem resistentiam , retinentur , & constringuntur aliquandiu : sic detentæ & constrictæ , exhalationes augentur per aduentum , & coniunctionem aliarum exhalationum ; quæ ex

fundo maris, perpetuò, & absque vllâ intermissione fursùm euocantur : idem enim manens idem semper facit idem.

Sic vnitarum & constrictarum circa superficiem maris exhalationum virtus, occupatiua loci, & fursum motrix, crescit (nam virtus vnita fortior est se ipsâ dispersâ) superâtque resistantiam, vnionē, & grauitatem aquæ summæ ; eamque sic fursum tollit, vt fursum sublata diuidatur per suam grauitatem : nam rerum fluidarum (qualis est aqua) partes, ipsâ vel leuitate, si leues sint ; vel grauitate, si graues (qualis est aqua) separantur. Aqua sic diuisa & intumescens per spiritus igneos ascendentes, refluit ad littora ; mouetur enim ad locum propiorem centro, qualia sunt littora maris intumescentis, & exhalationibus, seu vaporibus internis tumefacti. Aqua tumida, diuisa, & fluens ad littora exhalationibus, seu vaporibus, separationem, & egressum, quem prius illis suâ vnione, motu & grauitate contendebat, concedit. emergunt igitur, & fursum erumpunt exhalationes, seu vapores. Neque enim spiritus ignei, & terrei, qui componunt exhalationem, ascendunt per medias aquas, quin aquam

tanquam vehiculum, sursum tollant; sicque fiant vapores. Vaporibus egressis, ac sursum sublatis, aqua refluit in alueum: superat enim (vt dictum est) sua grauitate, & vnione, siue inclinatione ad partes vniendas, leuitatem, ac dilatationem naturalem relictarum in mari, & sursum naturâ suâ ascendentium exhalationum. Sunt enim pauciores in pari loco, & consequenter minùs fortes, quàm priores, quæ modò sursum eruperunt, seu transierunt de medio densiori ad minus densum, hoc est de aquâ, ad aërem: atque adeo non superant vnionem, & grauitatem, seu resistantiam aquarum, quæ sunt circa superficiem maris. Refluunt autem in alueum maris aquæ marinæ, abscedentibus exhalationibus, quia tunc superficies aquæ in alueo est propior centro, quàm littora, quò fluxerant. Sic refluens aqua in alueum per motû suum & grauitatem, iterum impedit separationem, & eruptionē, siue egressum aliarum exhalationum in mari relictarum. hæ per aduentum aliarum ex fundo sursum per aquas ascendentium augentur. ac fiunt fortiores, vt præcedentes, quæ sursum eruperunt; ac tandem, vt priores, emer-

gunt: aqua etiam, ut prius, fluit ad littora; & exhalationibus egressis, iterum refluit in alueum, & ita consequenter:

SECTIO QUARTA.

Æstum maris non esse immediate à luna.

DICES. per actionem lunæ augmentur aquæ marinæ; ergo fluxus, & refluxus non pendet ab exhalationibus. probatur consequentia: Quia per augmentum aquæ marinæ fit fluxus, ergo fluxus non est ab exhalationibus, seu vaporibus. Respondeo, concessio antecedente, negando consequentiam: Ad probationem illius respondeo cum distinctione: Per augmentum aquæ marinæ fit fluxus, id est, quando augmentur aquæ marinæ; ipsæ fluunt ad littora; concedo ant. id est, fluxus, & refluxus, qui propriè vocatur æstus maris, fit solùm, quando augmentur aquæ; nego ant. Ut intelligatur hæc distinctio,

Notandum, aliud esse augmentationem, & diminutionem aquarum maris; aliud earundem fluxum, & refluxum, sive æstum. augmentatio, ac diminutio regularis aquarum maris fit tantùm bis

singulis diebus, bis singulis mensibus, bis singulis annis. fluxus, & refluxus non fit tantum bis singulis diebus, &c. ergo fluxus, & refluxus non est augmentatio, ac diminutio regularis aquarum maris. Neglectus, aut ignoratio huius distinctionis est causa multarum in hoc negotio deceptionum. Fluxus itaque, & refluxus non fit tantum bis singulis diebus, sed fit singulis horarum momentis: maior quidem est fluxus, & maior refluxus, quando plures, seu maiores sunt aquæ; & minor fluxus, & refluxus, quando minores. At siue augeantur aquæ, siue minuantur, semper fit fluxus, & refluxus. Ratio verò, cur maior fiat fluxus, & maior refluxus aquæ, si maiores, siue abundantiores sint aquæ, est maior vaporum detentio in aquâ. Nam quando retinentur diutius (retinentur autem diutius, quando maius est impedimentum: est autem maius impedimentum, quando plures sunt aquæ: vnde fluuiorum non sunt fluxus, & refluxus; quia pauciores sunt aquæ in fluuiis, quàm requirantur, vt egressus vaporum, & exhalationum impediatur) maior est exhalationum copia: ergo maior aquarum tumor, ergo maior fluxus ad littora: plu-

res item exhalationes, seu vapores, simul egrediuntur. ergo maior refluxus; plures enim exhalationes simul abeuntes maiorem relinquunt locum aquis redeuntibus, quàm pauciores. at fluxus non est illa augmentatio, siue diminutio aquarum, quæ fit à Lunâ per accessum, aut recessum: per aspectum, aut coniunctionem: unde fluxus, & refluxus non conuenit fluuiis, licet eorum aquæ crescant, ac decrescant.

SECTIO QUINTA.

*De causa augmentationis ac diminutionis
aquarum maris.*

HVIUS autem augmentationis, ac diminutionis aquarum maris, causa videtur posse colligi ex his, quæ docet Origanus tertio ephemeridum tomo, in epist. ad Proceres Brandoburgenses, ubi sic loquitur. *Nec inficiabitur quisquam lunæ, quæ terris proxima est, motu, humiditates ita commoueri ut crescente eius lumine, ipsa quoque augeantur, & corporibus offundantur: deficiente verò lumine, & ipsa exarescât, & resorbeantur. Aestus quoque maris ab utriusque luminaris motu (nempe solis & lunæ) in pri-*

mis lunæ diurno dependet. namque efferuescit, & insurgit mare, luna ab horizonte orientali ad fastigium celi sese attollente, vel etiam ab occidentali versus imum celi descendente: & eadem ad summum, vel imum celi delata, in summo feruore subsistit, littora omnia complens. Contrahit autem, & recipit sese vicissim mare, lunâ à meridiano versus horizontem occidentalem descendente, & ab imo celi ad ortum assurgente; sicut existente in horizonte utroque, maximè subsidere, & littora sua deserere animaduertatur. suntque hi fluxus, & refluxus ita affecti; ut in nouiluniis, & pleniluniis, consentiente actione utriusque luminaris, validissimi: in quadraturis autem, agentibus in contrarium luminaribus, incitante uno, altero retrahente, remissiores sint, ac languescant. hæc ille: ubi per fluxum, & refluxum intelligit augmentationes, ac diminutiones aquarum. Ex his autem concludes; Quia ubique est horizon, & ubique meridianus, lunam suo perpetuo motu, & augere aquas, & minuire; augere veniendo, minuire recedendo.

Tres itaque partes in lunæ super horizontem viâ distinguemus; primam, mediam, postremam. In primâ tolluntur aquæ; in mediâ sunt altissima; in postre-

ma minuuntur. quod fit in vno hemisphærio, idem etiam fit in opposito sic, vt lunâ existente in nostro meridiano, aquæ sint apud nos altissimæ: nisi adfit aliquod impedimentum, quod pro vario locorum situ posset contingere.

Ratio verò, cur lunâ existente in meridiano, aquæ in illo hemisphærio, & opposito intumescant; hæc videtur esse: Quod actio potentissima alicuius agentis in aliquod subiectum, seu patiens fiat per lineam rectam à centro agentis, ad centrum patientis ductam, vt pote breuissimam, & perpendicularem. Radix enim actionis, inclinationis, & virtutis ad agendum, & in centro agentis; & radix inclinationis ad recipiendū est in centro patientis, quatenus respicit agens. Illa autem virtus, & inclinatio communicatur toti agenti, & patienti, per lineas à centro ductas: Illi ergo lineæ, quæ inter vtrumque centrum est breuissima, communicatur maximè vtraque virtus, & inclinatio. ergo in ea est actio potentissima; in aliis autem omnibus lateralibus eò minor est actio, quô magis ab illa recedunt. vide Morinum de telluris quiete, cap. 10. 5. rationem, pag. 80. Si lineam perpendicu-

dicularem ab agentis centro ductam concipiamus per centrum patientis vlteriùs progredi: concipienda quoque erit in illa maior actio, seu potentior, quàm in aliis omnibus lineis vltra centrum iacentibus.

Cùm ergo luna sit in istâ maris augmentatione agens, & aquæ globus sit patiens; actio potentissima lunæ in aquas erit per lineam perpendicularem ab illius centro ad centrum globi aquarum ductam: ergo si augentur aquæ per actionem lunæ, maximè augebuntur in illâ lineâ. ergo cum lunâ existente in meridiano, linea perpendicularis ab eius centro ad centrum terræ, siue maris, sit media inter orientē, & occidentem, & ab iis remotissima, circulus meridianus potentissimam habebit actionem, oriens autem, & occidens (cùm luna sit quadragies minor, quàm terra) maxime debilem. Ergo lunâ existente in meridiano alicuius hemisphærij, plurimâ erit aqua in meridiano talis hemisphærij, & in parte illi oppositâ, ad quam per centrum aquarum transit lineâ illa potentissimæ actionis: Existente verò in oriente, vel occidente, eiusdem hemisphærij, paucâ in partibus globi terræquei, quibus ipsa oritur, vel occidit.

*

D

Videntur autē maris aquæ intumescere, & augeri per aduentum, & per mixtionem spirituum lunarium, tanquam aduentitiorum; quibus excitentur alij insiti, siue aquei, siue lunares, in ipso mari velut sopiti: minui verò per eorundem vel recessum, vel corruptionem in aquam densiorem; vel quietem, siue cessionem à motu.

Adueniunt illi spiritus lunares, quibus aquæ intumescunt, quosque appellamus aduentitios, ex lunâ ipsos dispergente, conseruante, & augente per suam actionem, eò maiorem, & potentiolem, quò magis directâ est, modo explicato; ac proinde præsentē lunâ: Ipsâ verò recedente, spiritus illi vel abscedunt, vel sunt pauciores, vel corrumpuntur in aquam multo densiorem, vel cessant à motu.

Luna dispergit suos spiritus (quorū materiā collegit ex sole & globo terraqueo) quatenus emittit spiritus lunares: In eum verò locum dispergit plures, in quem plures transmittit solares: Et quia plures in globum terraqueum transmittit spiritus solares, quando soli opponitur, & quando illi coniungitur; Ideo plures in oppo-

fitione, & coniunctione, quàm in quadraturis dispergit in globum terraqueum spiritus lunares: atque adeo copiosiores sunt in coniunctionibus, & oppositionibus, quàm in quadraturis aquæ marinæ.

Videtur autem luna dispergere in globum terraqueum spiritus plures, quàm in alias mundi partes, quia, quâ superficiei parte globum terraqueum respicit, ea tota est crebris, & ingentibus cauernis distincta; atque adeo reliquis superficiei partibus minùs asperis, ad recipiendos spiritus solares aptior: ex quâ receptione sequitur abundantior lunarium dispersio, cæteris paribus.

Hæc autem lunaris superficiei pars aduersa terræ, cavitatibus aspera est ex necessitate materiæ: Nempe, quia partes in lunâ magis aquæ & graues ad terram propiùs, quàm aliæ leuiore accesserunt: neque tamen ab aliis sunt separata, quia naturam cum aliis eandem, & solis accidentibus, vel maiori terrenorum, vel aqueorum spirituum poris contentorum, copiâ diuisam, participant in bonum globi terraquei, seu potiùs humanæ creaturæ.

Coniunctiones, & oppositiones re-

D ij

specu solis existentis in Librà, vel Ariete, siue in medio mundo, sunt potentiores respectu maris, quàm aliæ: quia tunc luna sic opposita, & coniuncta medium cum sole occupat mare: atque adeo maiorem in aquas hinc, & inde spirituum suorum dispergit, & solarium transmittit copiam.

Ex dictis patet maris tumorem diurnum pendere ab accessu lunæ ad meridianum loci, ubi fit tumor, & menstruum à coniunctione cum sole: annum ex oppositione eiusdem lunæ & coniunctione cum eodem sole in ariete, & libra posito.

SECTIO SEPTIMA.

De primo maris aestu.

EX dictis facile est hunc de primo aestu maris formare conceptum. Tercio die creationis mundi congregatæ sunt aquæ in vnum locum, & ibi quiescunt. Quarto die sol cum aliis planetis, astris, & cælo agit in terram subiectam illis aquis cò vehementiùs, quò medijs pars (nempe illæ aquæ) est densior. Ignis etiam subterranei agunt in eandem terræ partem aquis illis subiectam, vtpote viciniorem.

Vnde obiter colliges fluuiorum, & quorundam marium aquas non agitari æstu, quia nimis remotæ sunt à subterraneis ignibus, vt pote minùs profundæ. Ecce tibi in fundo maris exhalationes, id est ignei, & cœlestes spiritus, terreis permisti. hoc mixtum ascendit per aquam vt medium, ac vehiculum: atque adeo fit mixtum ex aqua, terra, & igne, non absque aëre: quia non descendit ignis in terræ viscera absque aëre, & spiritibus aqueis. Spiritus igneus, & cœlestis mixto illo contentus vnà cum aëre, fursùm tendit: Ergo, nisi fortiori detineatur impedimento fursùm feretur. Impedimentum non affert terra, vt pote iam extenuata, calefacta, & rarefacta, diuisa, & separata, & spiritibus igneis implicata: Neque illum motum impedit aqua, si nulla fiat ab eâ separatio. Ergo spiritus igneus, siue cœlestis, & aëreus fursum mouebitur vsque ad aquarū superficiem. Ibi verò, ne fiat separatio aquæ ab aqua (cui partium separationi contrariam habet inclinationem aqua, vt patet in bullis aërem detinentibus, ne fiat illa separatio) retinetur. Ecce tibi exhalationem à suo motu fursum retardatam, &

impeditam in maris summo , propter hanc ad vnionem partium , maioremque in superficie, quàm in medio seu fundo, partium vnionem , & grauitatem. Hæc autem maior vnio partium & grauitas in extremo , siue superficie maris oritur ex eo , quòd fluida naturaliter mota sibi constituent extremum densius medio : & hanc habent à mundo , qui densissimo regitur inuolucto , & cuius sunt partes , inclinationem.

Accedunt aliæ exhalationes , seu vapores, Quia sol, ignes subterranei, & alia agentia naturalia non cessant ab actione sua : Exhalationes , seu vapores vaporibus vniuntur in summo mari : Vapores uniti fortiores fiunt ad dilatationem naturalem, & motum sursùm : ergo dilatantur tandem ; & mouentur sursùm. Ecce tibi aquas superpositas eleuatas , quantum illarum fluiditas patitur. At grauitas propter fluiditatem partium, partes diuidit, easque ad locum centro propiorem mouet. Ecce tibi primum fluxum. Interim erumpunt , & abeunt sursùm vapores ; & aquis, in quem refluant, relinquunt locum. Ecce tibi primum refluxum.

CAPVT IV.

*Vapores qui fiunt ex Zona torrida, ascendere
ad locum solis.*

SECTIO PRIMA.

Probatio.

PROBATVR hoc argumento. Quod ascendit ad locum solis per calorem, & incalescit vsque ad locum solis, & non mutatur in via, ascendit vsque ad locum solis. Atqui vapores, qui fiunt ex globi terraquei Zonâ torridâ, ascendunt ad locum solis per calorem, & incalescunt vsque ad locum solis, & non mutantur in via. Ergo vapores, qui fiunt ex globi terraquei Zonâ torridâ, ascendunt vsque ad locum solis. Maior est euidens, idem enim manens idem facit idem. Minor habet tres partes. Primam, quâ dicuntur vapores, qui fiunt ex globi terraquei Zona torrida, ascendere ad locum solis per calorem: Secundam, quâ dicuntur incalescere vsque ad locum solis: Tertiam, quâ dicuntur non mutari in viâ. Prima est euidens: Locus enim solis, nempe quem sol annuo motu decurrit, est su-

D iiij

pra globi terraquei Zonam torridam : & quod ex illâ sursum mouetur, mouetur versùs locum solis. Vapores autem sursum mouentur & quidem per calorem, ex quo sequatur leuitas ; qualis est calor, qui conuenit vaporibus : habent enim calorem propter spiritus igneos, qui naturâ suâ sunt leues. Secunda pars sic probatur. Quod est capax caloris, & ascendit per spatia valde calida, incalescit, dum ascendit : Atqui vapores sunt caloris capaces, & ascendunt per spatia valde calida, 1^o. propter ardorem solis, qui nunquam ab iis recedit. 2^o. propter alios planetas, qui nunquam vagantur extra Zodiacum. 3^o. propter partem Firmamenti, seu fasciam, quæ respondet Zonæ torridæ globi terraquei : est enim pars illa, seu fascia, seu Zona (quam etiam in cælo vocamus torridam) multo potentior aliis partibus Firmamenti, cùm propter Eclipticam, tùm propter actionem solis, quæ directè fertur in illam Zonam, seu fasciam : atque adeo virtus illius magis excitatur, & crescit, quàm aliarum Firmamenti partium. Ergo vapores, qui ascendunt ex Zonâ torridâ, incalescunt ; hoc est colligunt spiritus igneos. Tertia pars

minoris sic probatur. Vapores, qui non mutantur in meteora, vel aërem, vel ignem, non mutantur (hîc enim est quaestio de mutatione, quâ desinant esse vapores, non autem de mutatione quadam accidentali, secundû quam vel vniantur aliis, vel incalescant, vel refrigerentur aliquo modo, sic tamen, vt non desinant esse vapores) atqui vapores, qui ascendunt ex Zonâ torridâ, non mutantur in meteora, neque in aërem, neque in ignē, antequam perueniant ad locum solis, ergo vapores, qui ascendunt ex Zonâ torridâ, non mutantur in viâ. Probatur minor per partes. Non mutantur in meteora; quia illa meteora essent quamplurima, perpetua, & vbi-que, sub Zona torrida, cûm semper, & ex omnibus partibus ascendant plurimi vapores: Non mutantur in aërem, quia constant ex partibus terreis, quæ si mutantur certè non nisi magna, vehementi, & longâ actione (qualis non reperitur ante locum solis) mutantur in alias substantias. partibus autem terreis conseruatis, conseruantur etiam partes aquæ, vt vehiculum ipsarum: his autem conseruatis, & non redeuntibus ad locum naturalem, id est ad globum terraqueum, conseruan-

tur vapores. Propter eandem rationem non mutantur in ignem, antequam perueniant ad locum solis, ergo non mutantur in viâ.

SECTIO SECUNDA.

Obiectiones.

OBIECTES primò. In aëris subiecti Zonæ torridæ cœlesti mediâ regione est frigus, ergo vapores non transcendent illam regionem. Probatur antecedens. Quia sub Zona torrida est pluuiâ, ergo est frigus in aëris mediâ regione. Respondeo distinguendo antec. In aliquâ parte illius est frigus, concedo antec. In omni parte. nego antec. Ista autem pars in quâ est aliquod frigus, quora est ad ingentem tractum Zonæ torridæ, & partium vicinarum, vnde tam multi ascendunt vapores? Itaque nego consequentiam; seu distinguo consequens: aliqua vaporum particula non transcendit illam regionē; concedo consequentiam: ingens vaporum copia non transcendet illam regionem, nego consequentiam. Ad probationem antecedentis, Respondeo concedendo esse in aliquâ particulâ

mediæ illius regionis modicum frigus, unde oriatur pluuia in insulis, & solo montuoso, & siluestri. Montes enim & siluæ frigus continent, vaporésque vicinos faciliè refrigerant, & condensant. Item vapores crassiores illius soli, & minùs cocti ardore solis, pèrque antiperistatim refrigerati, vertuntur in pluuiam, & decidunt. Antiperistasis autem est causa huius frigoris, quatenus ignei spiritus, qui continebantur illis vaporibus nondum satis extenuatis, transcut in aërem congenium, seu plenum spiritibus igneis: quo modo aquæ fontanæ æstate refrigerantur. at vapores subtiliores, ac spiritibus igneis magis ac magis referti, & calore iam multum extenuati & infinities propemodum plures, quàm illi crassiores, conseruant calorem, & augent eò magis, quò propiùs ad solem accedunt: atque adeò semper ascendunt, moti ad occidentem cum aëre, qui ventum orientalem in alto mari perpetuò, & pacificè regnantem constituit, vt docet Acoſta lib. 3. cap. 8. post illum Morinus, cap. 11. de terræ quiete p. 112. vbi docet hunc ventum esse constanter veliementiorem sub æquatore, quàm sub Tropiciis, & vtrim-

que ab æquatore ad 23. gradum, vbi cessat, remittere.

Ex pluuiis autem, ac meteoris, quæ fiunt interdum sub Zona torrida, colligitur ascensus vaporum defæcatorum. Pluuiæ enim, & alia metecora sub Zona torrida, fiunt ex partibus vaporum nimis aquosis, & minùs aptis ad pabulum flammæ, quibus purgati vapores faciliùs ad locum à natura destinatum, nempe ad locum solis perueniunt.

Obiicies secundò, vapores non transcendunt illam regionẽ quæ vocatur Atmosphæra. Ergo non perueniunt ad solem. Probaturs antec. refractiones fiunt in Atmosphæra, & vltra illum non fiunt. Ergo vapores illam non transcendunt. probatur consequentia. Vbi sunt vapores, ibi fiunt refractiones; & vbi non fiunt refractiones ibi non sunt vapores: ergo si refractiones fiunt in Atmosphærâ, & vltra illam non fiunt, in Atmosphærâ sunt vapores, & vltra illam non sunt. Respondeo negando antec. Ad illius probationem, concesso antecedente, negando consequentiam: ad illius probationem respondeo distinguendo antec. vbi sunt vapores crassiores, ac densiores, fiunt refra-

ctiones, & vbi non fiunt refractiones, non sunt vapores crassiores, ac densiores, concedo antec. vbi sunt vapores subtiles, & calore multo extenuati, fiunt refractiones, & vbi non fiunt refractiones, non sunt vapores subtiles & calore multo extenuati; nego antec. Hoc patet in aëre nostro, qui cælo etiā serenissimo, est plenus vaporibus subtilibus. nam, quô maior est actio solis, eô plures sunt vapores in aëre: & certè sæpe modico vento, qui non est sine vaporibus, agitur; neque tamen fiunt in eo refractiones, saltem sensibiles. Vapores autem regionem illam, quam vocant Atmosphæram, sub Zona torrida transcendentés, incallescunt, extenuantur, fiuntque ita perspicui, vt non magis visum terminent, quam aër, perspicuitas enim oritur ex raritate quæ non resistat motui luminari, & calore, per quem augentur spiritus lucidi, seu potius, qui præsupponit plures spiritus igneos, qui fiant lucidi, vt dictum est cap. 4. quæst. præcedentis.

Et hoc patet in vrinâ sanâ, quæ (licet plena facibus crassioribus, ibi, quandiu calida est, delitescunt, apparentibus autem quando frigida est) non minùs

quàm aqua, perspicua est: Item in aquis mineralibus, in quibus delitescunt substantiæ tenues per se nigrae, & violaceae, quæ post misionem ramentorum gallæ, intra vnam, aut alteram horam, apparent: Patet etiam in aquâ marinâ, quæ in vitrea lagena perspicua magis est, quàm fontana; quia nimirum continet plures spiritus igneos.

CAPUT V.

Diuiduntur vapores supra explicati in tres partes seu Zonas, & explicatur quid cuique conueniat.

QUONIAM (vt sæpe dictum est, & sæpe in hac materia dicendum) idem manens idem semper facit idem; necessarium est, vt hæc plurima vaporum copia sit perpetua sub Zona torrida. Diuidamus ergo ingentem illum tractum, seu fasciam vaporum, quæ est intra tropicos à loco solis, vt circumferentiâ, ad globi terraquei Zonam torridam, vt centrum, in tres fascias.

Vnam, quæ à globi terraquei Zona torrida tanquam centro perueniat ad regionem lunæ, sitque prima fascia.

Alteram, ipsâ superiorem & illi contingam, siue continuam, quæ ab illâ primâ fascia tanquam centro, pertineat ad locum immediatè subiectum soli; sitque secunda fascia, cuius circumferentia, seu superficies conuexa sit immediatè subiecta soli, circulum suum decurrenti: superficies autem concaua sit immediatè supra circumferentiam, seu superficiem conuexam primæ, siue inferioris fasciæ; quo modo in iride videmus circulum superiorem supra inferiorem immediatè sibi subiectum.

Tertiam denique adhuc istâ secundâ superiorem, & ipsi continuam seu contingam, occupantem illud spatium, quod decurrit sol. Omnes sunt perspicuæ propter calorem, seu multitudinem spirituum igneorum, & raritatem, seu tenuitatem materiæ, vt suprâ dictum est.

Prima fascia, dicatur terrestris seu teraquea.

Secunda fascia, dicatur lunaris, seu rorea.

Tertia fascia dicatur solaris, siue ignea: Omnes ab oriente ad occidentem intra Zonam torridam, seu tropicos. Prima est mixtum imperfectum ex aquâ, terrâ, &

igne, permistis aëri, siue ex aquâ rarefactâ spiritibus igneis, & aëreis, & impinguata terreis. Secunda est mixtum ex illis omnibus, & aëre cœlesti. Aërem voco cœlestem, in quo mouentur planetæ, & astra.

Prima fascia est madida propter aquam, & calida propter spiritus igneos, & pinguis propter terreos.

Secunda est rorea, propter spiritus lunares, & calidior quàm prima, tum propter eosdem spiritus lunares, tum propter spiritus igneos seu cœlestes, perpetuò aduenientes: duplo item maioris loci, quàm prima, propter mistionē cum aëre lunari, non minoris quantitatis quàm sit ipsa fascia: non tamen idcirco rarior, quia lunaris aër propter continuam lunæ humectantis actionem, non videtur rarior vapore tenui, & calido. Miscetur autem vapor ad hanc lunæ regionem delatus huic aëri lunari propter congeneitatem aquæ cum spiritibus lunaribus; Cùmque ipsorum vehiculum sit ipse aër, & spiritus aliquid sui vehiculi secum semper asportet, non vnitur vapor spiritui, quin etiam vniatur aëri: quomodo non vniuntur spiritus aquæ, vt vini, propter congeneitatem,

tem, quin etiam vniantur ipsorum vehicula, nempe vinum, & aqua; quæ tali mixtioni non repugnant, quia sunt eiusdem ferè gravitatis.

Et quemadmodum vinum, si vniatur cum aquâ eiusdem secum quantitatis; duplò maiorem occupabit locum; ita vapor vnitus aëri lunari sibi æquali, duplò maiorem occupabit locum.

Quod verò vapores aëre lunari, tanquam rore aliquo subtili, perfundantur, patet ex eò, quod luna faciat humorem aqueum naturâ suâ; ipsa enim est tanquam lentus ignis magis aptus ad aquam producendam, quàm aliud corpus, ut patet ex arte chymica, cuius ignis lentus etiam metalla mutat in aquam, seu liquorem. Hoc etiam convenit igni in Italiâ, prope Neapolim, vulgò dicto, *la Sulphatara*, cui lintheum applicatum madescit. Imo ferrum ita madet, ut rores siue aqueæ guttæ, ex eo *Sulphatara* calefacto decidant. Ergo luna, licet ignea, faciet humorem aqueum; Idque constat ex omnibus humidis, quæ augentur in plenilunio; & ex rore, qui multus in vitro, & aliis lunæ oppositis, producitur.

Vnde colliges lunam esse mixtum per-

fectum, in quo ignis, & aqua dominantur, ut docet Anselmus lib. 1. de imagine mundi cap. 23.

Hæ duæ vaporum fasciæ modò explicatæ spatium quod reperitur inter tropicos, totum tenent; sic tamen, ut secunda, quâ parte soli vicinior est, magis assurgat, quia propior est caloris fonti: nusquam tamen extra Tropicos, & solis vestigia.

Tertia vaporum Zona calidissima est propter aduentum spirituum igneorum per coniunctionem cum sole, & mistionem cum aëre cœlesti, spiritibus igneis refertissimo. hæc mistio fit propter congeneitatem spirituum igneorum, qui sunt quamplurimi, tum in vapore, tum in aëre cœlesti soli vicinissimo.

Et hæc mistio comparatur mistioni thuris incensi cum infimæ regionis aëre, seu nostrate.

Hæc fascia emergit ex parte convexâ inferioris fasciæ, hoc est secundæ, soli proximâ, successivè componendo circulum; quomodo successivè componunt aliæ Zonæ suos circulos ab oriente in occidentem: in suâ enim primâ productione circa terram vapores se-

quantur motum solis. hoc est, si concipiamus, v. g. solem inchoare suum circulum ab insulâ *Summatra*, seu D. Thomæ; & continuare versus occidentem; concipiemus quoque oriri primùm vapores ex insulâ D. Thomæ; qui ferantur inde sursum; deinde alios ex locis vicinis versus occidentem; qui ferantur etiam sursum: & ita constanter, donec absoluator prima circulatio solis, & primus vaporum circulus.

Hic verò notandum est, & magnopere considerandum, has fascias, & præcipuè secundam, & tertiam repleti, ac multum augeri spiritibus ad flammam solarem aptissimis, influxu perpetuo superiorum lunâ planetarum omnium, quorum circuli, spiritibus ipsorum, terminantisque Firmamenti perpetuò pleni, fascias illas obliquè peruadunt, ac penetrant.

CAPVT VI.

Vapores suprâ explicatos esse pabulum solis.

PER pabulum solis intelligo id quod à sole ipso disponitur ad flammam, quæ est sol, & per coniunctionem cum illa inflammatur.

SECTIO PRIMA.

Probatio.

PROBATVR hoc argumento. Quod successiue, & componendo circum ab oriente ad occidentem, cum æquali à centro mundi distantia, intra tropicos, à sole disponitur ad flammam terræ centies & quadragies æqualem, terræ quàm Firmamento viciniorem, & perpetuam; est pabulum solis. Atqui vapores suprà explicati sunt huiusmodi: ergo vapores suprà explicati sunt pabulum solis. Maior est euidens. Probatur minor. Fascia, siue Zona, inter tropicos, æqualiter à centro mundi distans, terræ quàm Firmamento propior, & perpetua, sic à sole disposita, vt componendo circum ab oriente in occidentem conuertatur in flammam, quæ successiue ita generetur, ac disponatur, vt nunquam desinat, terræque centies & quadragies sit æqualis, est id quod successiue, & componendo circum ab oriente in occidentem cum æquali à mundi centro distantia, inter tropicos, à sole disponitur ad flammam terræ centies & quadragies.

æqualem, terræ quàm Firmamento propiorem, & perpetuam: atqui vapores suprâ explicati sunt huiusmodi fascia, siue Zona. Ergo vapores hætenus explicati sunt id, quod successivè, & componendo circulum ab oriente ad occidentem cum æquali à mundi centro distantia, inter tropicos à sole disponitur ad flammam. Maior est evidens. Minor habet tres partes.

Prima, (Quòd vapores suprâ dicti sint fascia seu Zona intra tropicos, æqualiter à mundi centro distans, terræ quàm Firmamento propior) sic probatur. Quòd intra tropicos ascendit æqualiter ex omni parte globi terraquei Zonæ torridæ, & partibus illi vicinis, ad omnes partes Zonæ, quam decurrit sol, per motum diurnum, & annum, tanquam ex centro ad circumferentiam est fascia inter tropicos æqualiter distans à centro mundi; terræ, quàm Firmamento, propior. Atqui vapores hætenus explicati ascendant intra tropicos æqualiter ex omni parte Zonæ torridæ, & partibus vicinis ad fasciam, quam concipimus in cælo decurri à sole motu diurno, & annuo. Ergo vapores hætenus explicati, sunt fascia

inter tropicos æqualiter distans à centro mundi; terræ, quàm Firmamento propior. Maior est euidens. Sol enim est propior terræ, quàm Firmamento, iuxta sententiam astronomorum. Minor probatur: Et quidem, quòd ex omni parte Zonæ torridæ, & partibus vicinis ascendant vapores motu perenni, cælo etiam serenissimo, quò lacus, & aquæ stagnantes exsiccantur manifestum est: Idem enim manens idem, facit idem. Globus itaque terraqueus est veluti magnus titio, qui ex omni parte fumum exhalat. Quòd verò ad Zonam, quam decurrit sol, perueniant, probatum est cap. 4.

Secunda pars Minoris, quæ dicitur illa vaporum Zona sic à sole disponi, ut ab oriente in occidentem componendo circum, & successivè conuertatur in flammam, probatur:

Et quidem, quòd à sole disponatur ad flammam, sic probatur. Omnis materia apta ad flammam soli coniuncta disponitur à sole ad flammam. Ista vaporum fascia est materia apta ad flammam: Est enim composita ex his quatuor spiritibus aqueis, igneis, aëreis & terrestribus, siue exhalationibus, ex quibus compo-

nitur humidum pingue: Talis autem materia est aptissima ad flammam, vt patet ex fumo, qui fit ex ligno; maximè quando est albus & perspicuus; tunc enim habet plures spiritus igneos, & pauciores aqueos: Ex vapore, qui conuertitur in stellas cadentes & transcurrentes, cælo etiam serenissimo, in quo vapores ita perspicui sunt, vt visum non feriant: Ex fulgure: Ex inflammationibus totius circumstantis cæli (quod gallicè vocamus *Air*) versus orientem, & septentrionem. Quæ omnia sunt ex vaporibus aquositate purgatis: Ex aqua vitæ, siue ardente purissimâ, phlegmate quod aiunt, purgata. Phlegma enim, siue aquositas inflammationem impedit, quatenus inuolucrum ad inflammationem necessarium destruit. Illud enim debet esse compactum & pingue, vt ignem simul vnitum contineat, & illius dispersionem impediat. Aquositas autem est contraria viscositati. Vnde aqua flammam extinguit, soluendo illius inuolucrum. Hæc omnia faciliè conuertuntur in flammam, & cōfaciliùs, quò subtiliora, & magis perspicua. Ratio est, quia materia, cui hæc tria conueniunt; primum, multi spiritus ignei.

Secundum, partes tenues, ex quibus facile educantur spiritus ignei, quando adest flamma, seu multa copia spirituum igneorum simul vnitorum. Tertium, viscositas quædam, seu pinguedo, qua spiritus illi concludantur, & constringantur, est aptissima ad flammam: sed materiæ compositæ ex spiritibus igneis, aëris, aqueis, & terrestribus, siue exhalationibus, aëri, maximè cælesti permistis, illa tria conueniunt, vt patet: Et quidem pinguedo seu viscositas propter terram valde subactam & igni permistam. Est ergo fascia illa vaporum aptissima materia ad flammam. Et præterea, vt probatum est c. 4. soli coniungitur: ergo à sole disponitur ad flammam. Non est igitur quod obijciat Aristoteles 2. Meteor. sum. 1. cap. 2. succensum ignem non ali calefactis aquis: ergo neque solem vaporibus: Nam & antecedens falsum est, cum ignis vehemens in fabrorum officinis, seu fornacibus, aquâ irrigatus, augeatur: Et nulla consequentia; vapores enim ad locum solis deducti plurimas habent dispositiones ad flammam, quæ non conueniunt aquis ab igne nostro calefactis.

Quod verò ita disponatur eadem va-

porum Zona, vt conuertatur in flammam, sic probatur. Quod est à natura non est frustra: illa dispositio est à natura, igitur non est frustra: Ergo habet finem, finis autem talis dispositionis est flamma.

Quòd item successiue, & componendo circulum ab oriente in occidentem conuertatur in flammam, sic probatur.

Quod successiue, & componendo circulum ab oriente ad occidentem, vltimò disponitur ad flammam; successiue, & componendo circulum ab oriente ad occidentem, conuertitur in flammam (quo enim modo, & quâ successione res vltimò disponitur ad flammam; eodem modo, & eâdem successione conuertitur in flammam.) Atqui Zona illa, seu fascia vaporum successiue & componendo circulum ab oriente ad occidentem vltimò disponitur ad flammam. ergo Zona illa, seu fascia vaporum successiue, & componendo circulum ab oriente ad occidentem conuertitur in flammam. Minor patet ex illa diuisione huius totalis vaporum fasciæ in tres partes, seu Zonas, quam fecimus capite præcedenti. Zona enim secunda immediatè subiecta soli disponitur eâdem successione, & eâ-

dem circulatione , quâ sol ipse.

Vt hoc faciliùs intelligatur, applicemus illas Zonas pabulo : & diuidamus pabulum in tria : scilicet in remotum, propinquum , & proximum : quo modo diuidimus pabulum flammæ cerei , cuius pabulum remotum est cera; propinquum est cera liquefacta : proximum cera ipsa liquefacta, calore extenuata, & ellychnio permista.

SECTIO SECVNDA.

Prima solis inflammatio.

IAM verò concipiamus sub finem diei tertij creationis mundi , quo nondum erat sol, totum illud spatium , quod est à Zona torrida globi terraquei ad locum à Deo destinatum soli, plenum vaporibus tanquam solis futuri pabulo proximo, propinquo, & remoto, nempe tertiâ, secundâ, & primâ Zonis cap. 5: explicatis. Zona tertia, seu pabulum proximum componat ab oriente ad occidentem in loco, vbi nunc est tropicus Capricorni, circulum sphericum tantæ profunditatis, & diametri, quanta requiritur ad solis diametrum, seu magnitudinem.

Immediatè sub hâc Zona secunda, seu pabulo propinquo, sit Zona prima, seu pabulum propinquum, occupans totum spatium, quod est ab illo loco, vbi futurus est tropicus Capricorni, ad locum, vbi futurus est tropicus Cancrî: hoc pabulum propinquum est multo amplius proximo, vt patet: cui consequens est totam eius superficiem conuexam non tegi pabulo proximo, seu Zona tertia, sed dumtaxat illius superficiiei partem, quæ pabulo illi proximo subiecta est.

Immediatè sub hâc Zona secunda, seu pabulo propinquo, sit Zona prima, seu pabulum remotum, occupans totum spatium quod est intra tropicos, à globi terraquei Zona torrida, ad superficiem concavam Zonæ secundæ, seu pabuli propinqui; nempe à terrâ ad lunam.

Quarto die creationis mundi flammam solis accendat rotam Deus (vt canit Ecclesia) in eâ parte pabuli proximi, quæ sit orientale extremum lineæ spiralis versus occidentem cum modicâ inclinatione ad septentrionem.

Tertia illa vaporum fascia siue pabulum solis proximum inflammetur à sole successiuè ab oriente in occidentem com-

ponendo circulum flammæ, non simul, sed successivè existentem per flammam eiusdem magnitudinis, & figuræ, cum sole, quem videmus: & hoc est fieri solem, nempe spiritus igneos educi ex pabulo proximo, & simul cum aëre hinc & inde collecto, misceri, & uniri sub involucri pingui, ut dictum est cap. 4. quæst. præcedentis. Quâ verò ratione, & modo, sol erumpat ex pabulo proximo, dictum est in aphorismis analogicis, analogia 5. à sect. 14. ad 19. Hanc vaporis inflammationem seu generationem solis bellè exprimit stella cadens, seu transcurrentes.

At, quia pabulum istud proximum non est ita purum, ut nullæ sint in eo particule minus ad flammam dispositæ; dum puriores per flammam ab aliis secernuntur, & inflammantur: relinquitur in illâ spirali flammæ ad occidentem properantis fasciæ vestigium siccum, & torridum, quod ascendente ex proxima Zona inferiore per actionem siue influxum solis, & stellarum, vapore humefactum, & impinguatum fiat iterum pabulum proximum circulationis, quæ sole redeunte, in eodem loco futura est.

Secunda fasciæ, siue propinquum solis

pabulum , per contactum solis successivum , & circularem disponitur à flammâ solis ad proximum pabulum , & successivè componendo circulum ab oriente ab occidentem , cum modicâ inclinatione ad *Æquatorem* : At nondum inflammatur ; tum quia nondum est ultimò dispositum , seu proximum pabulum ; sed fit : (hoc est , spiritus ignei nondum erumpunt , sed moventur intra pabulû ad eruptionem) tum quia est sub flammâ solis : flamma verò sursum fertur . Dum autem successivè , & componendo circulum , ultimò disponitur hæc fascia secunda , non quidem secundum suam totam superficiem conuexam , sed secundum partem , quæ sequendo motum circularem solis , fit successivè , & componendo circulum , vicinior soli , ascendit item successivè in locum superioris *Zonæ* , siue proximi pabuli , quod à flammâ successivè , & circulariter inflammatur , ac depascitur sic , vt flamma solis , siue sol habeat semper ante se , versus occidentem , pabulum proximum prævia circulatione dispositum immediatè sibi unitum , quo nutriatur successivè & circulariter , seu spiraliter , versùs occidentem : post se

verò, seu versùs orientem, pabulum item proximum, proximè sequens; quod circulariter item disponatur, sitque proximè sequenti circulatione depascendum: infra se verò immediatè partem conuexi secundæ fasciæ, quam successiuè, & circulariter, ab oriente ad occidentem, cum modicâ inclinatione ad septentrionem, vltimò disponat, faciâtque ex eâ pabulum proximum, succedens successiuè & circulariter, in locum inflammati; seu depasti pabuli: & quidem in eâ quantitate, quam requirit inflammatio, seu flamma continuanda: non in maiori: Quemadmodum cera extenuata, & ellychnio permista, non est in maiori copiâ, quàm requiratur ad continuandam flammam eiusdem figuræ, & quantitatis, cum eâ, à quâ disponitur, & inflammatur. tanta enim, cæteris paribus, est virtus flammæ ad depascendum simul pabulum, quanta est illius moles, ac figura: sic vapor ex secundâ Zona succedit in locum, vbi est vestigium solis suprâ explicatum; tantæque latitudinis, quantæ fuit præcedens, à sole circulatione vnâ depastus, quantæque requiritur ad vnâ flammæ circulationem: Quod est impressa rema-

nere solis vestigia, quæ suo tempore relegantur. Ipsa autem vestigia necessariò à se inuicem in latitudinem distant: Quia pabulum, etiam proximum, spatio multo minore, quàm flamma, ex eo genita continetur. hoc vestigium nostris cineribus, & ellychnio comparari potest. Ex his patet maius, vt dictum est suprà, spatium inter tropicos occupari à secunda Zona, seu pabulo propinquo, quàm à tertiâ, seu pabulo proximo. Tertiam autem componere circulum maioris circumferentiæ, quàm secundam.

Denique Zona, seu fascia vaporum primæ, seu pabulum remotum; successiuè item, ac regulariter disponitur, seu fit à sole, lunâ, planetis aliis, & astris: ascenditque viâ quidem rectâ fursùm; cum successione tamen ab oriente ad occidentem, vt dictum est c. 5. in locum à secundâ relictum. hæc omnia quia fiunt ab iisdem agentibus naturalibus circa materiam eodem semper modo reparatam, vt mox dicetur, eodem semper modo fiunt, idem enim manens idem facit idem. Axioma verissimum in agentibus naturalibus naturaliter agentibus.

SECTIO TERTIA.

Conclusio & probatio tertiæ partis Minoris.

EX dictis euidentis est pars. secunda Minoris, quâ dictum est Zonam vaporum sic à sole disponi, vt ab oriente in occidentem componendo circulum, & successiuè conuertatur in flammam. hoc enim verificatur in secunda Zona, seu pabulo propinquo, per successiuam immediatam, & componentem circulum, subiectionem flammæ solis, tam multis spiritibus igneis repleto, vt ascendat in locum tertiæ Zonæ, fiatque pabulum solis proximum, eo modo, quo cera liquefacta ascendit in ellychnium, fitque pabulum proximum de propinquo.

Supereft tertia pars eiusdem Minoris, quâ dicitur illa flamma, quæ fit ex vaporibus suprâ explicatis, ita successiuè generari, ac dissipari, vt sit perpetua centiesque, & quadragies, globo terraqueo æqualis, probanda. Sic autem probatur. Et quidem, quòd illa flamma possit esse perpetua, patet: quia vapores ascendunt perpetuò absque vllâ interruptione; illamque fasciam totalè perpetuant. Quòd
verò

verò vapores illi sufficiant ad flammam tantæ magnitudinis, patet ex fine cap. 2. vbi dictum est excessum vaporis supra terram, ex quâ fit, æstimari vix posse, & cap. 3. vbi probatum est plurimam sub Zona torrida fieri vaporum copiam & cap. 5. sub finem vbi dictum est maximam copiam spirituum ad flammam solarem aptissimorum à planetis, quorum circuli fascias illas peruadunt, illi pabulo communicari.

Vt autem res appareat, sumamus excessum vaporum supra terram, & aquam, vnde fiunt, determinatum, & cō, quem sensus docet, multo minorem: & parem ei, quem admittit Calculator, cum docet proportionem pulueris tormentarij ad flammam (quæ multo minor est, quàm vaporis ad aquam, & terram) esse viginti quinque millium ad vnum: & proportio fasciæ spiritibus lunaribus imprægnatæ ad primam sit dupla: eadem sit fasciæ tertiæ spiritibus cœlestibus imprægnatæ ad secundam. hoc supposito (quod certè negari non potest) facile est probare ad perpetuam, & continuam solis generationem, sufficere vapores suprà explicatos.

*

F

Sumamus enim ex terrâ, & aquâ decem milliones leucarum (tot enim minimum sunt in perpetuo motu) multiplicentur, dum fiunt vapores per 25. millia fient 250 000 000 000. hic numerus duplicetur per spiritus lunæ, fiet 500 000 000 000. hic etiam numerus duplicetur per spiritus planetis, ac sôle, dispersos in pabulo proximo fient 100 000 000 000. hic numerus per inflammationem siue vnionem, & eruptionem spirituum ardentium, siue flammæ dissipationem, vt dictum est in Analogia, multiplicetur per 27. fiet numerus leucarum, qui conueniet soli 27 000 000 000 000. hoc verò minimum est. Nam flamma, quæ fit ex cereo, plusquàm tricies millies maiorem quàm cereus, vnde fit, occupat locum. si enim aqua per foramen eiusdem quantitatis, cum rotunditate flammæ, flueret eodem, quô flamma impetu; impleret vas, quod contineret ceram, & ellychniâ, plusquàm triginta millium cereorum. Minorem multò sumo quantitatem: quia cera est multò densior, quàm vapor. At necessarium est, vt multò maiorem locum occupet flamma, quàm vapor: quia partes vaporis erumpentes in flammam

aëri proximo commiscentur, & illum colorant eo fere modo quo aquam vinum rubrum ipsi permixtum.

Ex his patet vapores qui continuo fiunt ex globo terraqueo, & imprægnantur influxu Planetarum, sufficere ad constituendam & continuandam flammam globo terraqueo centies, & quadragies, æqualem.

Questionem de motu Solis & planetarum extorquere non potui.

F I N I S.

*Errata sic corrige.*

PAG. 17. lin. 27. ita lege ista. pag. 14. lin. 4. pro concedunt si, lege concedunt. Si. lin. 27. pro seorsum lege sursum. pag. 15. lin. 7. pro floribus, lege flatibus. pag. 29. lin. pro permistæ lege permista. pag. 33. lin. 2. pro aëre, lege aëri. pag. 47. lin. 10. pro assurgente; sicut, lege assurgente sic, vt. pag. 48. lin. 16. pro & lege est. pag. 64. lin. v's. pro vt lege &. pag. 75. lin. 1. pro secunda lege tertia. lineâ 2. pro propinquo lege proximo. eâdem lineâ pro prima lege secunda.

Sumamus enim ex terrâ, & aquâ decem milliones leucarum (tot enim minimùm sunt in perpetuo motu) multiplicentur, dum fiunt vapores per 25. millia fient 250 000 000 000. hic numerus duplicetur per spiritus lunæ, fiet 500 000 000 000. hic etiam numerus duplicetur per spiritus à planetis, ac sôle, dispersos in pabulo proximo fient 100 000 000 000. hic numerus per inflammationem siue vnionem, & eruptionem spirituum ardentium, siue flammæ dissipationem, vt dictum est in Analogia, multiplicetur per 27. fiet numerus leucarum, qui conueniet soli 27 000 000 000 000. hoc verò minimum est. Nam flamma, quæ fit ex cereo, plusquàm tricies millies maiorem quàm cereus, vnde fit, occupat locum. si enim aqua per foramen eiusdem quantitatis, cum rotunditate flammæ, flueret eodem, quô flamma impetu; impleret vas, quod contineret ceram, & ellychniâ, plusquàm triginta millium cereorum. Minorem multò sumo quantitatem: quia cera est multò densior, quàm vapor. At necessarium est, vt multò maiorem locum occupet flamma, quàm vapor: quia partes vaporis erumpentes in flammam

aëri proximo commiscentur, & illum colorant eo fere modo quo aquam vinum rubrum ipsi permixtum.

Ex his patet vapores qui continuo fiunt ex globo terraqueo, & imprægnantur influxu Planetarum, sufficere ad constituendam & continuandam flammam globo terraqueo centies, & quadragies, æqualem.

Questionem de motu Solis & planetarum extorquere non potui.

F I N I S.



Errata sic corrige.

PAG. 17. lin. 27. ita lege ista. pag. 14. lin. 4. pro concedunt si, lege concedunt. Si. lin. 27. pro seorsum lege sursum. pag. 25. lin. 7. pro floribus, lege flatibus. pag. 29. lin. pro permistæ lege permista. pag. 33. lin. 2. pro aëre, lege aëri. pag. 47. lin. 10. pro assurgente; sicut, lege assurgente sic, vt. pag. 48. lin. 16. pro & lege est. pag. 64. lin. v's. pro vt lege &. pag. 75. lin. 1. pro secunda lege tertia. lineâ 2. pro propinquo lege proximo. eâdem lineâ pro prima lege secunda.

APHORISMI
ANALOGICI
PARVI MVNDI AD MAGNVN
MAGNI AD PARVVM.

P R Æ F A T I O

AD LECTOREM.

HOMINEM Microcosmum mortales omnes appellant, mirantur plerique, pauci quid velint intelligunt. Hoc quippe effatis Antiquorum proprium est, ut à multis usurpentur, paucorum intelligentiam subeant: quandoquidem plus habet gloria sapientum premere vestigia, quàm excutere. Quia tamen & hæc non sunt à viris maximis temerè pronuntiata, & paucissimis concepta verbis, immensum animo campum aperiunt: quisquis profitetur philosophiam, si eorum primas rationes non inuestiget, nominis sui videbitur oblitus; si hîc hereat; minimum, negligens, aut incuriosus iudicabitur. Habeꝑ igitur in hoc Tractatu (studiose Lector) comparisonem illam ad aliquot reuocatam capita, quam percipere nequīs nisi tibi nota sint ambæ illius contentionis partes. Componitur hominis corpus cum hoc vniuerso, utriusque peruadere naturam debes si litis huius arbiter legitimus esse voles. At quid utilius homini, quàm seipsum nosse? quid magnificentius quàm id men-

A

PRÆFATIO.

te capere extra quod nihil aspectabile est? Quod si non omnes videar abstulisse difficultates, sed mouisse nouas, aliqua proponere quæ pauci vel nulli dixerunt: si doctrina rationem perspicis, acquiesce; hanc si non peruadis, expecta. Neque enim animi sensa simul egeri possunt, neque una questio multis colligata, atque implicita, omnia probari sinit: aliqua supponimus, quæ si tibi placuerint ista, aliquando prodibunt in lucem. Neque enim sol ipse lucis parens & auctor, cum primum oritur, splendorem omnem suum nobis communicare videtur; sed dum procedit, nos magis illustrat. Hoc interim nostro labore fruiere, quem noui sementem facies, si probaueris.






APHORISMI

ANALOGICI

PARVI MVNDI AD MAGNVN

MAGNI AD PARVVM.

*De duplici acceptione vtriusque mundi
& Analogia inter vtrumque se-
cundum priorem acceptionem.*

I.  **Q**UEMADMODVM mundus aliquando sumitur pro continente causam efficientem, nempe Deum, & eius effectum, quod aliqui vocant *Complexum*; ita corpus humanum sumitur aliquando pro composito ex corpore organico, & anima rationali spirituali, & immortali, nempe homine.

II. Quemadmodum mundus aliquando, & saepius sumitur pro solo mundo

A ij

corporeo, & aspectabili; ita corpus humanum sumitur aliquando, & sæpius, pro solo corpore organico.

III. Quemadmodum Deus utitur toto mundo aspectabili ad producendas prope modum infinitas animalium species; ita, proportionem quadam, anima rationalis toto suo corpore utitur ad artificialia prope modum infinita.

IV. Quemadmodum spiritus solaris est instrumentum vniuersale, quo Deus utitur ad mouendum, & conseruandum mundum corporeum; ita spiritus vitalis est instrumentum vniuersale, quo mens nostra utitur ad mouendum, & conseruandum corpus; cum hoc tamen discrimine; quòd Deus infinite perfectus non possit esse pars; anima verò nostra sit verè pars.

Inter qua fiat comparatio.

HÆc de analogia inter magnum & paruum mundum priori modo sumptos; Quæ sequuntur ad analogiam inter vtrumque posteriori modo sumptum, pro puro scilicet corpore, prout opponitur substantiæ spirituali, pertinent; & quidem inter ea duntaxat, quæ vtrumque

per se componunt : adeoque non agitur hîc de artefactis, neque de speciebus animalium. Nam quemadmodum neque artefactorum ideæ etiam corporeæ, quæ sunt à mente humanâ ; nedum artefacta, sunt partes per se pertinentes ad corpus humanum, seu paruum mundum, quatenus hîc comparatur cum magno ; ita neque species animalium sunt partes per se pertinentes ad corpoream integritatem magni mundi. Neque agitur de excrementis ; tum quia nulla sunt in magno, cum quibus excrementa parui componi possint ; tum quia ipsa per se non pertinent ad microcosmum.

Comparantur itaque tanquam duo extrema comparationis opposita relative, vnum corpus humanum tanquam vnum Indiuiduum corporeum ; & mundus tanquam vnum item corporeum Indiuiduum.

ANALOGIÆ

Inter magnum & paruum mundum posteriori modo sumptos.

PRIMA ANALOGIA.

Sumitur à loco.

SICUT corpus humanum est in aëre, tanquam loco proximo, & æquali; sic mundus est in cælo empyreo, substantiâ corporeâ subtilissimâ, & beatorum domicilio, tanquam in loco proximo, & æquali; & sicut humanum corpus est pelle suâ contiguum aëri; sic mundus per suum extremum, quod appellamus Firmamentum, est contiguum cælo Empyreo.

Differentia.

IN hoc differunt parvus, & magnus, mundus: quòd parvus 1^o. recipit aliquid ab extrinseco. 2^o. emittit aliquid ad extrinsecum. 3^o. mouetur per extrinsecum: & hæc tria illi conueniunt, quia nutritur; & quibus nutritur, ea vt plurimum distant. Magnus autem mundus ne-

que recipit aliquid ab extrinsecò, neque quicquam emittit in extrinsecum, neque mouetur per extrinsecum, quia non nutritur ab extrinsecùs adueniente.

SECUNDA ANALOGIA.

Sumitur à terminò, seu parte continente.

PARVVS tegit, & continet partes, ex quibus per se componitur, pelle suâ; quæ proinde est densa, quatenus compactas habet partes, ac firmiter unitas; qualia debent esse extrema omnia, quibus interiora continentur. Ipsa tamen, & multos continet poros, ut per eos nociua, & superflua, intrinseca foràs emittantur, intro verò admittantur conuenientia extrinseca; & est flexilis propter motum, quo membra corporis humani per extrinsecum feruntur.

Magnus tegit, & continet partes suas extremo suo, quod vocamus Firmamentum; proinde ipsum densum est, & compactas habet, ac firmiter unitas partes ad continenda interiora; non tamen porosum, quâ saltem parte contiguum est

A iiij

Empyreo; quia nihil emittit foras, neque intro quicquam admittit: Non flexile, quia nulla mundi pars per extrinsecum mouetur.

TERTIA ANALOGIA.

Sumitur à partibus contentis.

SECTIO PRIMA.

Diuisio partium intrinsecarum parui mundi in consistentes, & fluidas; in homogeneas, & heterogeneas.

PARTIVM humanâ pelle contentarû aliæ sunt consistentes, aliæ fluidæ, seu liquidæ: consistentes sunt, quæ componuntur ex partibus consistentibus; fluidæ sunt, quæ componuntur ex partibus fluidis: partes consistentes illæ dicuntur, quæ non habent alium localem motum, quàm totius, quod componunt; partes verò fluidæ, quarum altera mouet alteram; atque adeo fluidum secundum se totum, seu formaliter, mouetur vno motu; variis autem secundum partes, siue materiali-

88.

utriusque mundi.

ter. cui consequens est totum fluidum mouere se per partes seu trahendo, seu pellendo. Partes autem cum fluidi, tum consistentis, si sunt eiusdem rationis inuicem, & cum toto, quod componunt, faciunt totum homogeneous, consistentes, consistens; fluidæ, fluidum: si diuersæ; totum heterogeneous: consistentes, consistens; fluidæ, fluidum. Microcosmus est totum heterogeneous, partim consistens, partim fluidum: idem quoque dicendum est de magno mundo.

S E C T I O S E C V N D A,

*Prima diuisio consistentium in duras
& molles.*

PARTIVM consistentium in paruo mundo aliæ duræ sunt, aliæ molles: duræ sunt, ex quibus nonnisi per magnam aut celerem actionem educitur humidum; quales sunt nerui, membranæ, cartilagines, & aliæ eiusmodi: molles, ex quibus humidum facile separatur, quales sunt carnes.

SECTIO TERTIA.

*Diuisio durarum in rigidas & flexiles,
& definitio centri.*

DURARVM partiū aliæ sunt in paruo mundo rigidæ, aliæ flexiles. Dicuntur rigidæ, quarum partes vnum, & idem, centrum sic respiciunt, vt eundem cum illo, & aliis eiusdem centri partibus, conseruent situm. qualia sunt ossa. Flexiles sunt, quarum partes ad centrum accedunt, & à centro recedunt, absque diuisione; qualis est cutis, quales membranæ, quales nerui. Centrum est punctum intrinsecum à tota superficie remotissimum.

SECTIO QUARTA.

*Secunda diuisio consistentium in solidas
& cauas.*

CONSISTENTIVM item partium in paruo mundo aliæ sunt solidæ; aliæ cauæ. Dicuntur solidæ, quæ nullas habent cavitates sensibiles, quibus fluida, vel alia diuersæ rationis, contineantur corpora; quales sunt dentes, quales muscoli.

dixi *cavitates sensibiles* ; quia nihil in corpore humano est ita solidum, ut nullas habeat cavitates insensibiles, quas vocamus poros, fluido corpusculo, quod appellamus materialem spiritum, plenas. Dicuntur *cauæ*, quæ cavitates continent sensibiles, fluido, vel alio corpore diuersæ rationis à continente plenas ; qualia sunt pleraque ossa, parenchyma cordis, cerebrum, arteriæ, venæ, & nerui.

Cavitates maiores, in quibus fluida consistunt, & immutantur ; vocantur *sinus*, receptacula fluidorum, & fontes spirituum.

SECTIO QUINTA.

*Diuisio partium interiorum magni mundi in
consistentes & fluidas,*
&

*Prima diuisio consistentium in duras
& molles.* *

PARTIVM Firmamento contentarum alix sunt consistentes, globus terrestris, planetæ & astra: alix fluidæ; ignis, seu flamma, aër, & aqua. Consistentium alix sunt duræ; globus terrestris, planetæ, & astra, quâ parte respiciunt terram: alix

molles, quales probabile est esse partes
 astrorum superiores; quibus Firmamen-
 tum respiciunt; Nam quod in astrorum
 superiori parte aqueum est, illud motu
 suo, ac terrei per igneum, superum fit;
 quod verò aqueum est, molle est; quale
 corpus Firmamento vicinum; quale item
 corpus, quod in Zona torrida (quam
 soli vicinam vocamus *cor mundi*) pa-
 bulum est solis propinquum, & proxi-
 mum: Spatium enim, quo continetur il-
 lud pabulum, *cordis mundi* sinus appel-
 lari potest per analogiam ad microcosmi
 cor: in quo præter vitalem spiritum dis-
 tinguiamus tria; ipsum parenchyma, si-
 num ytrumque, & pabulum vtrumque.
 Parenchymati respondet Zona torrida
 soli vicina: vtrique sinui, spatium illius
 Zonæ, quo continetur vtrumque pabu-
 lum; sinui quidem dextro, spatium, quo
 continetur propinquum: sinui verò sini-
 stro; quo pabulum proximum: sanguini
 sinus dextri, pabulum propinquum: san-
 guini sinus sinistri, pabulum proximum;
 de quibus fusè dictum est in *Sole flamma*.

SECTIO SEXTA.

Diuisio durarum in rigidas & flexiles.

DURARVM partium in magno mundo aliæ sunt rigidæ, quales sunt astrorum inferiores partes; aliæ flexiles, quales probabile est esse superiores, ad recipiendos influxus; quale item spatium, quod Firmamento est vicinum, eo fere modo, quo in paruo mundo medulla cerebri vicina est cranio.

SECTIO SEPTIMA.

*Secunda diuisio consistentium in solidas
& cauas.*

CONSISTENTIVM item partium in magno mundo, aliæ sunt solidæ; quales in globo terrestri, lunâ, & aliis planetis, stellisque, rupes per se sumptæ; item Firmamentû per se sumptum, quod nihil est solidius: Aliæ cauæ, quæ mollia & fluida, in se continent; quale est Firmamentum, quales stellæ, quales planetæ, qualis terrarum orbis: quibus omnibus continentur fontes propriorum spirituum, atque adeo fluidorum.

Præter has maiores cavitates aliæ sunt insensibiles in omnibus mundi partibus, si conuexam, & extimam Firmamenti partem cælo Empyreo contiguam excipias, quam probabile est nullis distingui poris: atque adeo esse simpliciter densam.

QVARTA ANALOGIA.

Sumitur à fluidis.

SECTIO PRIMA.

Tria præcipua in paruo mundo fluida.



ETEROGENEORVM in paruo mundo fluidorum partes fluidæ sunt varij spiritus materiales, quorum maximus, & creberrimus dat fluido denominationem: sic à spiritu stomachico denominatur chylus; à spiritu hepatico denominatur sanguis venalis; à spiritu vitali sanguis arterialis; adeoque sunt in paruo mundo tria fluida sibi succedentia, chylus, sanguis venalis, & sanguis arterialis, in quo dominatur spiritus vitalis.

SECTIO SECUNDA.

Fluidorum parvi mundi fontes octo.

HORVM fluidorum fontes sunt. 1.^o os, in quo alimentum est fluidum per spiritum alimentarem, & spiritum salivæ è cerebro defluentis. 2.^o est ventriculus, in quo fit chylus per spiritum stomachicum, qui est acidus, atque adeo eliquat alimentum per os traiectum: quando nervus stomachicus ab illo spiritu movetur, excitatur appetitus: si nimio calore, seu nimia bile; vel nimio frigore, seu nimia pituita tollatur aciditas, nempe temperies illa, quâ spiritus fit acidus, tollitur appetentia. Fons 3.^o est mesenterium, in cuius venis pars chyli densior perficitur per spiritum proprium, quem vocamus Mesaraicum. 4.^o est splen, in quo purgatur altera chyli pars magis liquida, per spiritum spleneticum. 5.^o est hepar, ubi chylus mutatur in sanguinem venalem per spiritum hepaticum, quem alij vocant naturalem. 6.^o est cordis sinus dexter, in quo sanguis venalis fit calidior per spiritum vitali proximum. 7.^o est pulmo, ubi sanguis venalis fit spumofus per

spiritum aëreum seu pneuma. 8°. est sinister ventriculus, vbi spumofus mutatur in arterialem per spiritum vitalem, qui reperitur quidem, sed non dominatur in omnibus parui mundi fluidis.

SECTIO TERTIA.

Tria præcipua in magno mundo fluida.

HETEROGENEORVM in magno mundo fluidorum partes fluidæ sunt varij spiritus materiales, quorum maximus & creberrimus dat appellationem ipsi fluido: sic à spiritu aqueo denominatur fluidum, quod vocamus aquas, & maria: ab aëreo fluidum, quod vocamus aërem: ab igneo fluidum, quod vocamus flammam: adeoque sunt in magno mundo tria fluida præcipua, & sibi succedentia, nempe aqua, aër, & ignis, seu flamma, in quâ dominatur spiritus solaris.

SECTIO QUARTA.

Fluidorum magni mundi fontes octo.

HORVM fluidorum fontes sunt. 1°. Saturnus per spiritus, quos in suâ cavitae facit sibi proprios de acceptis à
Firma-

Firmamento, & sole; & transmittit, sursum quidem ad Firmamentum magis raros, per partem, quæ cælum aspicit; densos autem deorsum in Iouem, per partem quæ terram aspicit. 2^o. est Iuppiter, seu Iouis cavitās, in qua de acceptis à Saturno, & Sole spiritibus facit sibi proprios, & eos per inferiorē sui partem in Martem sibi subiectum transfundit magis densos; per superiorem, versum Firmamentū magis raros. 3^o. est Mars, seu cavitās Martis qui se habet ad Iouem superiorem, & Venerem inferiorem, seu terræ propiorem, sicut Iuppiter ad ipsum & Saturnum. 4^o. est Venus. 5^o. Mercurius. 6^o. Luna. 7^o. est globus terraqueus. 8^o. est id quod appellamus *cor mundi*, unde flamma solis, siue spiritus solaris erumpit, sicut spiritus vitalis è sinuoso cordis microcosmi ventriculo. Per planetas recipientes intellige quoque fluidos ipsorum circulos.

Differentia.

HÆc autem est differentia inter magnum, & paruum mundum, quòd fluidum in paruo transiens ab vno fonte ad alium contineatur vasis deferen-

tibus; in magno verò nullum sit eiusmodi vas.

Ratio discriminis petenda est ex eo, quòd fluidorum parui locus, & ordo ad ipsius conseruationem necessarius, ita sit contrarius ordini, & loco, ipsis per naturam propriam naturali, vt per proprios parui motus conseruari non possit absque vasis, quibus ipsa fluida determinantur ad locum illum, & ordinem; ab vnóque fonte ad alium perferantur. Locus autem, & ordo fluidorum magni, necessarius ad ipsius conseruationem, ita sit conformis loco, & ordini, per naturam propriam ipsis naturali, vt per proprios magni motus possit facile, absque diuersis ab ipsâmet mundi cauitate vasis, conseruari. Sic enim per totam illam cauitatem dispositi sunt fontes, vt ab vno ad alium naturâ suâ ferantur fluida. densa quidem descendunt à Saturno per intermedios Planetas, ad terram: è terrâ autem vapores, & exhalationes igneâ leuitate, quam à sole, & igneo terræ meditullio colligunt, ad magni cor ascendunt.

QVINTA ANALOGIA.

Sumitur à spiritibus.

SECTIO PRIMA.

*Diuisio spirituum microcosmi in vitalem
& animale.*

N microcosmo duo sunt spiritus vnuerſales, à ſuis fontibus per totum ita diſperſi, vt à quâlibet particulâ totius corporis participantur; nempe vitalis à corde profluens, & animalis à cerebro. Vitalis totum heterogeneousum ex particulis ad ſingula membra pertinentibus (ex illis enim colligitur totum heterogeneousum, in quo dominatur igneus, à quo ſumitur denominatio ſpiritûs, ſicut ab aliis, denominatio vitalis) omnium parui mundi motuum principium, determinatur quidem ad varios motus à variis eiſdem parui mundi partibus, ad primum autem à propriâ naturâ, quâ poſtulat eſſe ſupra corpus terreum, aqueum, & aëreum.

SECTIO SECUNDA.

Diuisio sinistri cordis ventriculi in tres partes.

AD intelligentiam autem huius primi motus, diuidendus est sinister cordis ventriculus à cuspide ad basim, in tres partes; infimam, quæ sit cuspis, siue fundum; supremam, quæ sit basis, seu valuulæ, tum venosæ, tum aortæ; & mediam, quam vocabimus, canalem. Factâ illâ diuisione sic facilè explicatur hic primus spiritûs vitalis motus.

SECTIO TERTIA.

Explicatio motus primi spiritûs vitalis.

SPIRITVS ergo vitalis (nempe totum illud heterogeneousum ex variis particulis variæ mixtionis compositum, in quo spiritus igneus dominatur) confusus, & permistus, in humido radicali (hoc est in sanguine paulo crassiori ac pinguiori, quem cordis fundû continet) inque illud velut immersus, semper quidem, magis verò adueniente ex arteriâ venosâ sanguine spumoso, & aëreo, mouetur per

illum pinguiorem sanguinem, caloris microcosmi fontem; ac motu suo per illud humidum vnitus, ac factus maior, adeoque potentior ad motum naturalem, emergit quantum potest ex illo sanguine, siue humido radicali, tanquam ex pabulo proximo, quò datur erumpere; hoc est per medium, per quod facilius, quàm per pabulum moueatur. hoc medium non sunt tunicæ fundi nimis densæ, & compactæ; sed canalis; & quidem lateribus diductis: nam si iuncta sint, non sunt medium, per quod liberè moueatur spiritus vitalis cum suo vehiculo, nempe sanguine arteriali. diducuntur autem canalis latera per sanguinem spumofum, & aëreum, ex arteriâ venosâ per valvulas in cor delabentem. In tale medium, quod rarius est, ac facilioris diuisionis, quàm pabulum, siue sanguis pinguior, & crassior in fundo positus, nempe humidum radicale, fit ebullitio, siue spiritûs eruptio; nempe motus multò celerior, quàm antea, per medium minus résistens: prius enim mouebatur spiritus per medium densum, & pingue, radicale scilicet humidum: postea verò quàm per motum, & vnionem factus est potens sufficienter

ad eleuandam partem humidi , ac diuidendam eius superficiem , eamque diuisit , mouetur cum suo vehiculo per medium minus resistens , atque adeo celerius . Initium autem huius maioris celeritatis appellatur *eruptio* : & in igneis ex humido densiori in minus densum , *ebullitio*.

SECTIO QUARTA.

Quare prima spiritus vitalis eruptio non sit continua.

HÆc ebullitio siue eruptio interrumpitur in corde, quatenus erumpens mobile, hoc est spiritus, non continuatur cum alio sufficienter potente ad diuidendam superficiem, siue superandam resistantiam densioris humidi, quo continetur: quod est, hoc secundum mobile nondum habere sufficientem leuitatem; cuius insufficientiæ causa est paruitas mobilis.

Idem, sed ratione contrariâ, contingit in aquâ guttatim cadente: guttam enim cadentem non immediatè sequitur alia; quia nondum collegit grauitatem, quæ sufficiat ad diuidendam, quâ con-

tinetur, aquæ superficiem; adeoque casus interruptitur, dum per motum in ipsâ aquâ fiat gutta sufficiens per gravitatem, ad diuisionem superficiem, quâ diuisâ per aërem delabatur.

SECTIO QUINTA.

Quid sequatur ex primâ ebullitione spiritus vitalis?

HAC eruptione, siue ebullitione, spiritûs vitalis, primò fundum, siue cuspis per attractionem contrahitur, & ad basim adducitur. 2°. spumofus sanguis è venosâ delabens per canalem sistitur. 3°. Canalis ipse dilatatur per aduentum, & occursum vtriusque sanguinis arterialis ac spumosi. 4°. in finem dextrum transpirat per septum transuersum aliquid spiritus vitalis. 5°. ipse sinus constringitur, cauæ valuulæ clauduntur; & sanguis inde in venam arteriosam transmittitur. 6°. venosæ clauduntur valuulæ.

Dilatatione canalis adducuntur artèriarum latera & vniuntur. hac vnione 1°. clauduntur aortæ valuulæ. 2°. sistitur in canali spiritus. 3°. pressæ omnes artèriæ guttulas aliquot arteriosi sui sangui-

nis in totum corpus per anastomoses euomunt. 4°. transmissâ parte sanguinis arterialis ex arteriis in musculos aperiantur aortæ valuulæ per appulsum sanguinis arterialis in canali constricti. 5°. per valuulas patentes ex canali sic erumpit spiritus, siue sanguis arterialis in aortam, ut eius motus per alium sanguinem in arteriis iam positum, & clausum ad totum corpus perueniat: & sic pulsan arteriæ.

SECTIO SEXTA.

Quid sequatur ex secunda spiritus vitalis eruptione?

POST hanc spiritûs eruptionem, ex canali scilicet in aortam, 1°. sanguis spumofus in canali per morulam occurrente spiritu detentus, in cordis fundum delabitur. 2. ex illo descensu fundum, seu cuspis dilatatur; & sic pulsat cor, seu potius cuspis.

Aperiantur etiam venosæ valuulæ sublato per illam eruptionem sanguinis arterialis impedimento, & sic sanguis spumofus descendit ex venosâ per valuulas in canalem.

SECTIO SEPTIMA.

Quare cor & arteriæ simul pulsant ?

EX dictis patet eodem tempore pulsare cuspidem, & arterias: cuspidem quidem per aduentum sanguinis spumosi; arterias autem per aduentum sanguinis arterialis; eodem enim tempore spumofus ex canali descendit in fundum, & arterialis ex eodem canali erumpit in aortam.

Quod magis pingue, & viscosum est in spumoso sanguine remanet in fundo; quod magis æreum, fit vehiculum spiritus vitalis, atque adeo sanguis arterialis.

SECTIO OCTAVA.

De motu fluidi vitalis per arterias.

FLUIDVM vitale, quod continetur arteriis, tanquam alueis, fluuiorum instar perseverat idem loco, & formâ; non materiâ; & in eo per arterias moto distinguendæ sunt duæ partes, altera vehens, quæ determinetur ad motum per propriam naturam; altera vecta, quæ ad motum microcosmi proprium determi-

netur à parte subsequente , & aliis microcosmi partibus immotis ; adeóque in ve&ta partes duæ sunt distinguendæ ; altera quæ moueatur , altera quæ sistatur à partibus immotis microcosmi : cui consequens est fluidi vitalis per arterias motum esse circularem , quod est ab ipso arteriarum trunco ad anastomoses volui per arterias , vt aqua fluuiorum voluitur à fonte ad mare , per alueum.

SECTIO NONA.

De reditu sanguinis ad cor per venas.

PARS arterialis sanguinis ex arteriâ per anastomoses egressa , seu trusa determinatur ad reditû ad cor per venas , à parte subsequente , relictó musculi pabulo : nam regressum per arterias prohibet subsequens ; & egressum ex musculo , membrana musculi. Superfunt ergo venarum anastomoses , per quas in venas , adeóque in cor pateat arteriali sanguini reditus : in quo reditu collecta ex carnibus musculorum , & chyli pinguedine , fit aptus ad conseruandum humidum radicale , seu pabulum proximum spiritus vitalis. Nam venæ omnes , in quas per anastomoses

deonerantur arteriæ tendunt ad cauam, vbi cum nouo sanguine, seu potiùs chylò, ex hepate proueniente sanguis rediens coniungitur.

SECTIO DECIMA.

De purgatione sanguinis arterialis, & nutritione membrorum.

SP I R I T V S autem vitalis, seu potiùs sanguis arterialis eius vehiculum, purgatur in viâ per secretionem spirituum terreorum, & aquëorum: quorum fluidum, seu vehiculum vocatur aut serum, aut sudor, aut vrina, aut aliquid aliud huiusmodi, vnde catarrhi. Quod verò aptum est ad nutritionem membrorum, in iis secretum remanet & per illius coniunctionem vitalem, mediante scilicet spiritu, membrum nutritum crescit, si plus remaneat, quàm vel à sanguine venali, vel ab aliis causis separetur, ac tollatur: minuitur, si plus absumatur, quàm remaneat: si æquè, consistit. Quod terream magis est, neque aptum ad nutritionem, secretum fit callus, calculus, & alia huiusmodi.

SECTIO VNDECIMA.

De mutatione spiritus vitalis per nutritionem.

SPIRITVS vitalis immutatur in iis partibus, in quarum poris, & cavitatibus detinetur, per secretionem, & coniunctionem cum aliis spiritibus, qui respectu ipsius ex fonte, seu fornace de nouo aduenientis dicuntur insiti. sic ergo spiritus vitalis in carne fit carneus, in osse fit osseus, in stomacho fit stomachicus, in splene splenicus, in hepate hepaticus: & sic de aliis.

SECTIO DVODECIMA.

Vbi nam fiat spiritus animalis?

IN cavitatibus autem cerebri per secretionem ab aliis in viâ, maximè in parte, quæ vocatur rete mirabile, & coniunctionem cum insitis, fit animalis; Ibi-que vario modo figuratus, & inde per nervos distributus mouet membra per ventionem; & hac ratione membra cum cerebro per nervos, ligamenta, & ossa, colligata, vel accedunt ad ipsum cere-

brum, vel ab ipso recedunt per motum spiritus animalis.

SECTIO DECIMATERTIA.

*Divisio spiritus magni mundi in solarem
& cælestem.*

IN magno mundo duo sunt spiritus
vniuersales solaris, & cælestis, per
totum ita dispersi, vt à qualibet ipsius
particulâ participantur; nempe sola-
ris à Sole profluens; cælestis à Firma-
mento. Quidquid enim est pars mun-
di, quatenus est pars mundi, à Sole mota,
& conseruata, spiritus habet solares;
sicut pars viuientis, quatenus est pars vi-
uentis, spiritus habet vitales. Item, quid-
quid est pars mundi, quatenus est pars
mundi connexa Firmamento, & ab ipso
mouetur, cælestem habet spiritum, quem
vocalamus magneticum; sicut pars ani-
malis, quatenus est pars sentientis, &
mouentis motu spontaneo, spiritum ha-
bet animale.

SECTIO DECIMAQUARTA.

De primo solaris spiritus motu.

SPIRITVS solaris totum heterogeneum ex particulis ad singulas vniuersi partes pertinentibus (ex illis enim colligitur totum heterogeneum, in quò dominatur igneus, à quò sumitur denominatio spiritûs; sicut ab aliis denominatio solaris, & cuius vehiculum est flamma solaris, aliâque fluida vicina) est primum principium omnium motuum magni mundi, determinatus à variis illius partibus ad varios motus; ad primum autem à naturâ propriâ, quâ postulat esse super terram, aquam, & aërem.

Ad intelligentiam autem huius primi motus; in eo quod vocamus cor mundi, tria sunt consideranda; primum ex quo erumpit flamma solis; alterum in quod erumpit flamma solis; tertium in quod soluitur flamma solis, ac distribuitur spiritus solaris.

SECTIO DECIMAQUINTA.

Vnde erumpat solaris spiritus ?

I. **I**D, ex quo erumpit flamma solis, est proximū pabulum spiritibus igneis, & variz mixtionis ; paruis quidem , at creberrimis , separatis inuicem , ac diuisis per medios terreos , aqueos , & aëreos , refertum.

Compositum ex illis spiritibus homogeneum fascia quædam est æqualiter à terrâ distans in Zonâ torridâ , pertinens ab oriente ad occidentem per Zenith, & ab occidente ad orientē per Nadir. Quæ Zona successiuè accenditur , & inflammatur à flamma solis , quæ per suum contactum , & vectionem, educit ex ipso pabulo spiritus igneos ; ipsos vnit, & facit maiores , remouendo , ac dispergendo interiectos spiritus aëreos , aqueos , & terreos , minus subtiles.

Compositum ex spiritibus illis igneis variz mixtionis factis maioribus , quos vocamus ardentes, dicitur flamma : nempe totum fluidum , in quo dominantur spiritus ardentes : Alba , si post ardentes dominantur aërei tenuissimi ; cærulea , si

aquei; rubra, si terrei. Hoc fluidum clauditur inuolucro pingui, ut dictum est in Sole flamma q. i. c. 4.

Fluidum ex illis flammis (quod formâ idem perseuerat semper, materiâ autem, & loco semper mutatur) vocatur sol; qui mouet, atque illuminat, quâ rarus; videtur ac terminat visum, quâ densus: quâ sol mouet partes mundi, & conseruat; nempe quâ corpus dispergens spiritus solares.

SECTIO DECIMASEXTA.

Quò erumpat flamma solis, siue spiritus solaris?

2. **S**PATIVM, in quod erumpit ex pabulo flamma solaris, est àër subtilissimus (siue, ut alij volunt, æther) vehementer motus ab oriente ad occidentem, per Zenith; determinatus ad illum motum ab vniuersali naturâ mundi, nempe, & ab igne flammæ hinc & inde vicinum aërem colligente, & in suum inuolucrum includente, atque adeo vicinum aërem ad se trahente, & à partibus raris, subtilissimis, & igneis, quas ipse àër continet; iam factis maioribus,
- tum

tum secretione , tum aliarum aduentu , per motum Solis , atque adeo mobilioribus ; eo penitus modo , quo noster aër cubiculo clausus ad ignem luculentum recens sub camino excitatum accurrit , factus mobilior , tum per secretionem , tum per coniunctionem igneorum à flamma disperforum : quâ secretionem , & coniunctionem , spiritus ignei , quos aër continet , fiunt eò maiores , atque mobiliores , quò ipsi flammæ sunt viciniore ; & quidem mobiliores ad flammam , tum quia vicinus aër ab igne flammæ trahitur ad flammam ; tum quia versùs illam determinantur à corporibus vicinis densioribus aliò motis , & expellentibus , quæ motum iuvant , quatenus expellunt : Quod enim expellit , premit ; quod autem premit , rarum separat à denso ; proinde rarum , ac densum fiunt maiora per secretionem , & mobilia motu suo naturali.

Spatium istud subtilissimum , ac proinde facillimæ diuisionis est necessarium ad inflammationem , siue educationem flammæ , siue spirituum ardentium ; ex pabulo : tum quia pars illius includitur in flamma ; tum quia requiritur ad inflammationem motus vehemens natura-

lis, ac celerrimus ipsius flammæ, educen-
tis ex pabulo spiritus ardentes: ergo &
medium tenuissimum, ac facillimæ diui-
sionis, per quod ipsa flamma, seu fluidum,
seu vehiculum spirituum ardentium, &
solarium moueatur.

Flamma erumpens ex pabulo versùs
orientem, & aër obuius versùs occiden-
tem augment motum: quia per occursum
illum premunt, ac proinde separant ra-
rum à denso; siue, vt alij volunt, humi-
dum à sicco: quâ separatione, vt iam di-
ctum est, augetur motus; quia rara qua-
tenus rara, & densa, quatenus densa fiunt
maiora, atque adeo mobilia: Sol ergo,
& aër occurrentes sibi, magis mouen-
tur; non quidem hic in occidentem, &
ille in orientem; sed in omnem aliam par-
tem, quâ est facilius diuisio, seu minor
resistentia.

Hic aër, siue æther in quem erumpit
Sol ex pabulo proximo, est analogus san-
guini spumoso, in quem erumpit spiritus
vitalis, siue sanguis arterialis ex humido
radicali: quorum occursum fit magna cana-
lis diductio: ex quâ sequitur distributio
spiritus animalis in totum corpus, vt di-
ctum est: sic etiam ex occursum moti ver-

utrinque mundi.

35

fus orientem Solis, & aëris moti versus occidentem, spiritus solaris erumpens ex flammâ per inuolucrum dispergitur in totum mundum.

SECTIO DECIMASEPTIMA.

De spatio, in quod soluitur flamma Solis.

3. **S**PATIVM ergo, in quod soluitur flamma Solis, ac distribuitur spiritus solaris est totus mundus; erumpens enim, ac motus celerrimè per naturale principium, seu leuitatem Sol ex pabulo, determinatur ab ipso pabulo, partibusque magni mundi contiguis, aëre scilicet supero, infero, laterali, & obuio ad motum circularem versus orientem, & occidentem: At flammæ pars præcedens, & remotior à pabulo, seu fonte, mota per vectionem, seu pulsionem à succedente, & aliquâ sui parte detenta à vicinis corporibus, aut immotis, aut alio motu agitatæ determinatur ad motum circularem versus orientem. At fluxus totius fluidi sequens pabulum, determinatur ab ipso pabulo versus occidentem.

SECTIO DECIMA OCTAVA.

Maior copia spirituum solarium versus Firmamentum quomodo retardet motum planetarum superiorum ad occidentem.

PORRO motus spirituum solarium celerrimus, & maximè naturalis, & copiosus est versùs Firmamentum propter leuitatem, & minimam mediij resistantiam; & hic motus duo præstat. 1^o. ingentem solarium spirituum copiam dispergit in partes mundi superiores; in planetas, si occurrunt, in stellas, & Firmamentum. hinc planetarum occurrentium, & in apice illo Solis positorum motus est directus, vt loquuntur Astrologi: minus enim mouentur ad occidentem, atque adeo magis ad orientem videntur accedere: quia motus illorum versus occidentem impeditur ab influxu solari ascendente. Nam quemadmodum baculus ex fundo fluuij ad orientem moti, quandiu emergit per aquam, minus ad orientem mouetur, quàm positus in eiusdem fluuij superficie: quia ista emerſio componitur ex motu

in transuersum, & recto, nempe ex motu
furfum & in orientem; atque adeo minùs
habet recti versùs orientem, quàm si ni-
hil haberet transuersi: Ita planeta in cir-
culo suo positus, quò magis ascendit per
circulum, eò minus habet de circulari
motu versus orientem; positus autem in
Solis apice magis ascendit per circulum,
quàm ab illo remotus: minùs item cele-
riter descendit ab illo remotus, quàm
ascendat in illo positus: quia dum descen-
dit, motus medij vehentis ad orientem
minus impeditur, maiórque est propor-
tio inter medij, & planetæ leuitatem;
adeóque motus deorsum lentior. Ex his
patet eruptionem versus orientem Soli
conuenire; inflammationem versus oc-
cidentem; leuitationem versus Firma-
mentum; volutationem circa seipsum e-
rumpentem; dispersionem spirituum per
inuolucris poros in omnem partem.

SECTIO DECIMANONA.

Quomodo spiritus solaris determinet Firmamentum ad motum versus occidentem.

2. **M**OTVS ille spirituum solarium determinat Firmamentum ad motum circulare de oriente ad occidentem. Firmamentum enim quâ densum, solidum est, rigidum, & graue: ac proinde materia, seu partes illius sigillatim sumptæ per naturam propriam deorsum tendunt per ignem, aërem, & aquam; descenderentque nisi esset impedimentum quo retinentur vbi sunt, nempe forma, siue vnio, seu collectio ipsarum partium, ac rigiditas, adeoque resistentia mutua, quâ sese inuicem sistant ibi, vbi sunt; prohibentque descensum: vt lapides in fornice, qui dum singuli, seu materialiter nituntur simul deorsum; collecti simul, seu formaliter vniti sibi mutuo, ne ferantur deorsum, impedimento sunt, per suam scilicet rigiditatem, à quâ habent, vt neque flectantur, neque diuidantur: atque adeo non possint inuicem esse medium, per quod moueantur: rigidum enim per rigidum, tanquam per

medium, moueri non potest sed solum per fluidum. habet igitur Firmamentum, à ratione communi corporis extra locum naturalem positi, vt sit mobile; habet à partibus singillatim sumptis siue materialiter, vt sit extra locum naturalem & determinetur ad motum deorsum: habet ab iisdem collectiuè sumptis, siue à forma, & ratione talis mundi partis, vt sit in loco vt sic naturali, atque adeo, vt non sit mobile extra illum locum. Vt ergo sit mobile habet à materia; à formâ verò, & coniunctione cum aliis mundi partibus, vt sit in loco & in eo detineatur, atque adeo non sit mobile extra locum: ergo est tantum mobile in loco. quicquid autem mouetur in loco, mouetur ab alio; nullum enim datur principium intrinsecum per naturam propriam determinans ad motum in loco. vel enim locus ille est naturalis per propriam naturam, vel non est; si est naturalis, principium intrinsecum non determinat ad motum, sed ad quietem in loco: si non est naturalis, ipsum corpus est extra locum naturalem; ergo per principium intrinsecum determinatur ad motum per medium, quod est inter locum in quo de-

tinetur, & locum naturalem, ad quem determinatur à propria natura. ergo per propriam naturam non determinatur ad motum in loco.

Firmamentum ergo, cùm mobile sit in loco tantùm, non est mobile tali motu per propriam naturam, ergo per communem, ergo ab alia parte totius, cuius est pars; nam corpus quod determinatur ad motum per naturam, non propriam, sed communem, determinatur ab alio corpore, quod sit eiusdem totius pars.

Pars autem determinans Firmamentum ad motum in loco alia esse non potest, quàm ignis affluens; determinatur ergo Firmamentum ab igne sursum affluente; non ad motum sursum, quia motus sursum est recessus à medio: Firmamentum autem propter inclinationem materiæ, siue singularum partium ad medium, resistit illi motui: neque ad motum deorsum; tum quia est contrarius motui, ad quem determinat per se ignis affluens; tum quia resistit illi motui forma, & rigiditas corporis: ergo Firmamentum non determinatur ad motum sursum ab igne affluente, neque ad motum deorsum, ergo ad motum ad latera, seu curvum, &

quidem ad illum, cuius est capax, & qui communicari potest ab igne. Firmamentum autem est capax motus circularis versus occidentem, & illum communicare Sol potest per ingentem spirituum solarium copiam ab ipso Sole ad Firmamentum usque pertinentem: quæ copia sit veluti columna ignea versus occidentem ab aëre, vel æthere tantisper inclinata, cuius basis sit in Sole, fastigium autem in Firmamento, connectens Solem cum certâ parte Firmamenti: quæ columna materialiter quidem perpetuo mutetur, formaliter autem, & æquiualeuter eadem perseveret, ac moueatur ad motum Solis; ac mota moueat Firmamentum eo modo, quo moueri potest per eam partem, cui adhæret, quantum potest immobiliter.

Et hic nexus facilè concipitur; nam tractus ille igneus, siue columna ignea, est in Sole tanquam in radice; & in Firmamenti parte, quâ motus illius sursum sistitur, tanquam in termino. Sic igitur Firmamentum per igneam illam columnam, & partem cui adhæret ipsa columna, determinatur ad motum versus occidentem; & ita mouetur, ut media eius

pars in alterius, mediæ locum succedat, & vice versâ, hæc in illius locum.

SECTIO VICESIMA.

*Quare Firmamentum non mouetur ad
Polos.*

NON determinatur autem Firmamentum ad motum versus meridiem, & septentrionem, ignea licet columna flectatur ad partem alterutram; quia Firmamentum non est capax huius motus, vt dicitur postea sectione 27. Cui consequentes sunt in Firmamento circulationes ad orientem, singulis annis vnâ quàm in Sole plures. hunc motum Firmamenti ab igne sursum affluente imitantur alæ molendini circulariter motæ per rectam aëris lationem: & in fumariis rotæ assatoriæ per rectam fumi sursum ascendentis lationem. hæc de Solis flammâ sursum latâ per leuitatem naturalem.

SECTIO VICESIMAPRIMA.

Quare Sol ingens ac tremulus apparet?

QVÆ verò pars in omnem lateralem, & inferam diffunditur, illa est, quæ per superficiem terræ aduersam nobis est spectabilis, tamque ingens apparet.

Hæc flamma præsertim infera, & nobis aduersa tota in vndas perpetuo motu, seu fluxu sibi succedentes, versus occidentem reflectitur; vt apparet in imagine, quam Solis radius per telescopium transiens in chartâ candidâ depingit; cuius latera tremulo quodâ motu videntur fursùm tendere, mouerique ad inuicem. quod autem in Solis flammâ deorsum est, ac mouetur, illud in imagine, propter decussatos in telescopio Solis radios, fursùm videtur esse, ac moueri: apparet autem iste vndarum motus in limbis seu marginibus propter viciniam diuersi, ac dissimilis, non moti, saltem eodem motu; non autem in medio, quod nimis ab illo dissimili remotum est.

SECTIO VICESIMASECVNDA.

*Explicantur macule Solis exemplo
spumarum maris.*

IN ipso verò medio apparent maculæ propter colorem diuersum à Solis colore, motumque lentiorē : sunt enim hæ maculæ purgamenta Solis, terreæ scilicet, seu densiores, ac fuscæ partes, quæ à flamma Solis separatæ, & simul vnitæ nostrum visum feriunt; eodēque se habent ad Solem modo, quo spumæ ad mare. 1°. quemadmodum spuma est aër aquæ permixtus, & ex aqua segregatus; ita macula est terra igni permixta, & ex igne segregata. 2°. quemadmodum spuma est alba, quia est aërea; ita macula est nigra, quia terrea. 3°. quemadmodum locus spumæ est inter aquam, & aërem; quia leuior est aquâ propter aërem, & grauior aëre propter aquam; adeoque incubat mari : Ita locus maculæ est inter ignem, & aërem, quia leuior est aëre propter ignem; & grauior igne propter terram; atque adeo iungitur Soli. 4°. quemadmodum per vndarum maris collisionem generantur, diuiduntur, & vniuntur spu-

inæ; ita maculæ per vndarum Solis in occidentem, propter occurrentis aëris motum reflexi collisionem generantur, diuiduntur, & vniuntur maculæ. 5^b. quemadmodum spumæ feruntur ad littus per vndas ad littus motas; ad occidentem, si fluctus mouentur ad occidentem; ad meridiem, si fluctus mouentur ad meridiem: ita maculæ per Solis vndas ad extremum flammæ motas mouentur ad Solis finem; & quidem versus occidentem, quia Solis vndæ mouentur ad occidentem, cum modica tamen inclinatione ad meridiem, vel septentrionem; quia Sol inclinatur à Capricorno ad Cancrum, & à Cancro ad Capricornum. 6^o. quemadmodum in mari vndæ præcedentis spumam excipit vnda subsequens, & sic lentiùs ad finem peruenit spuma, quàm fluctus; ita in Sole vndæ præcedentis maculam excipit vnda subsequens; & sic lentiùs ad Solis finem peruenit macula, quàm vnda. 7^o. quemadmodum aliquando, quod medium est in spumâ resoluitur in aquam, oris, seu marginibus integris; ita quod medium est in macula soluitur aliquando in faculam siue ignem, oris seu marginibus integris. 8^o. quemadmodum spumæ, vt plu-

rimùm nascuntur in eo loco, vbi oritur tempestas in mari; sic maculæ fere semper nascuntur in eâ parte, vbi maior est vndarum collisio, nempe in eâ parte, quæ media quidem est in Sole, sed à nobis videtur orienti proxima; vnde videlicet impetu naturali fursùm euolat.

SECTIO VICESIMATERTIA.

Quomodo spiritus solaris immutetur?

EX flammâ Solis ita diffusâ in partem omnem mundi, spiritus solaris ab aliis mundi partibus determinatus inspiratur, & in qualibet parte mundi spiritus insitos imitatur, per secretionem: in Saturno fit Saturnius; in Venere venereus; in Lunâ lunaris; in terrâ terrestris; & sic de aliis. Immutatum spiritum, factumque sibi proprium partes quantum possunt, sibi conseruant: quia tamen semper nouus solaris aduenit, spiritum iam mutatum, sibi quidem superfluum, & inutilem, toti verò utilem, & necessarium ad eius motum, & ornatum, seu formam, emittunt.

SECTIO VICESIMAQUARTA.

De mutatione spiritus solaris in caelestem, & eiusdem caelestis per mundum distributione.

NVS QVAM spiritus solaris copiosior est, quàm in Firmamento; ibi autem fit caelestis; Caelestem enim vocamus spiritum, qui à Firmamento, tanquam à fonte dispergitur, quemadmodum vocamus in paruo mundo animalem, qui à cerebro dispergitur in totum corpus, per nervos.

Caelestis ergo spiritus à Firmamento totum in concavum diffunditur influxu continuo, & nunquam interrupto: Nam quemadmodum absque vllâ interruptione magnam solarium admittit copiam; ita quoque magnam caelestium emittit copiam; quæ copia per totum orbem diffusa, & variè per secretionē, & coniunctionem mutata, suum ad fontem reuertitur; indèque per varios motus, ac gyros in totum mundum. Et quia Firmamentum solares accipit spiritus, inclinantes à meridie ad septentrionem, & à septentrione ad meridiem, propter motum Solis sequentis pabulum proximum ab vno

tropico, ad alium, per arietem, & libram; sunt in Firmamento fluidorum circulo-
rum mundi peripheriæ, quæ ad septen-
trionem, & meridiem inclinant.

SECTIO VICESIMA QUINTA.

*De distributione celestis spiritus per mundi
circulos & polos.*

EX his autem circulo-
rum in Firma-
mento terminatorum peripheriis e-
mittuntur motu continuo in totum cir-
culum spiritus cælestes. Sic autem se ha-
bent circuli, vt singuli per suum plane-
tam, vel suam stellam habeant quò de-
terminatè suos dirigant spiritus: Poli
verò suum quoque habent consistens
corpus, & suam cavitatem, quò immè-
diatè suos item emittant spiritus cælestes,
nempe globum terraqueum, inter quem,
& polum nulla est stella, nullus Planeta.

Sic autem se habent corpora consisten-
tia in fluido circulo, vel axe constituta,
vt quemadmodum accipiunt à Sole, &
Firmamento spiritus; ita etiam in Solem,
& Firmamentum ipsos refundant, suo
modo mutatos, sibi que superfluos, &
inutiles. A Firmamento denso accipiunt
densos;

denſos; remittunt ad Firmamentum raros: accipiunt à Sole raros, ſiue igneos, remittunt denſos ſiue terreos, & aqueos.

SECTIO VICESIMASEXTA.

Distinguuntur ſtella & Planeta in tres partes ſeu regiones.

AD horum intelligentiã, diſtinguendum eſt quodlibet aſtrum, ſiue ſtella, ſiue planeta in tres veluti partes, ſeu regiones, ſuperiorem, inferiorem & mediam. Inferior denſa eſt, dura, & rigida, quã terrã ſemper aſpiciunt, & lumen Solis ad nos reflectunt; ſuperior magis rara, & mollis: media eſt rara, & fluida, nempe cauitas, in quã, ſicut in poris, ſpiritus aliunde accepti, aſtri naturam induunt: & quia compoſita eſt ipſa aſtri natura ex terreo & aqueo, aëreo, & igneo; ſiue ex denſo & raro; ſpiritus diuiduntur in terreos, & igneos, ſiue denſos, & raros; Ignei & aërei, ſiue rari mittuntur ſurſum ad Firmamentum per partem ſuperiorem; terreï, & aquei, ſiue denſi mittuntur deorſum per partem inferiorem, ita vt terminus à quo, vtriuſque ſpiritus, ſit cauitas, vnde per poros, tum ſupe-

D

rioris , tum inferioris partis fluunt spiritus.

SECTIO VICESIMASEPTIMA.

*De influxu magnetico mundi tum celestis
tum terrestri.*

PER mutuum autem influxum fit nexus inter partes mundi solidas ; & influxus ille , siue spiritus , quatenus necit , appellatur magneticus.

In terraqueo globo (idem esto iudicium de planetis & stellis) influxus , siue spiritus magneticus diuiditur in cælestem , & terrestrem : Cælestis est , qui à cælo , id est Firmamento descendit in terram : terrestris , qui à terrâ ascendit in cælum , id est Firmamentum.

Partes in Firmamento , terræ destinatae sunt eius poli , per quos ipsum Firmamentum cælestem suum influxum magneticum in terram , per ipsius terræ polos , & hemisphæria , septentrionale , & meridionale depluit. Terrestris est , qui è centro terræ per eius polos & hemisphæria , pergit ad polos Firmamenti. hoc mutuo influxu sic poli mundi cum polis terræ connectuntur , ut nulla vi naturali

separari possint; adeoque Firmamentum neque ad septentrionem, neque ad meridiem declinet. si enim magnæ sphaeræ diametri duorum, aut trium digitorum, & chalybs sic uniantur, ut homo unus ea separare in directum non possit, quid separabit à terrâ Firmamentum?

Influxus cælestis, quia densior est (factus scilicet densior à denso Firmamento) ex polo septentrionali rectâ, & impetu naturali, fertur ad polum terræ septentrionalem, & ex polo meridionali ad polum terræ meridionalem. Influxus terrestris (quia rarus, & igneus, est ex ignea terræ cavitare) ex ipsa cavitare naturâ suâ fertur ad polos mundi; ad septentrionem quidem, per polum terræ septentrionalem; ad meridionalem verò, per polum terræ meridionalem. Influxus magnetici cælestis, & terrestris, occurrentes inuicem mouent & expellunt; hic illum deorsum ad terram, illum hic fursum ad Firmamentum, eo planè modo, quo aër & aqua, sibi occurrentia. Nam quemadmodum aër ascendens per aquam superum ipsius locum accipit, & sic eam deorsum expellit; & aqua vice versa descendens per aërem, fursum expellit aërem; Ita fluxus

magneticus cælestis, & terrestris, dum sunt obuij, expellunt inuicem, cælestis terrestrem obuium expellit ad mundi polos: terrestris autem cælestem obuium expellit ad terræ polos: & ita componitur mundi, seu potius Firmamenti axis, cuius centrum est globus terraqueus; extrema verò, seu poli, poli mundi, seu Firmamenti. spatium quod est à Firmamenti polo septentrionali ad centrum terræ continet fluxus magneticos septentrionales, terrestrem, & cælestem: quod verò est à Firmamenti polo meridionali ad idem centrum, meridionales terrestrem, & cælestem.

SECTIO VICESIMAOCTAVA.

De terminis fluxus magnetici mundi.

FLUXVS magneticus meridionalis cælestis habet pro termino à quo, polum Firmamenti meridionalem, & pro termino ad quem, centrum terræ, per polum meridionalem eiusdem terræ; & e contrario, fluxus terrestris meridionalis habet pro termino à quo, centrum terræ; & pro termino ad quem, polum Firmamenti meridionalem, per polum

terræ meridionalem. fluxus autē septentrionalis cælestis est à polo Firmamenti septentrionali ad centrum terræ per polum terræ septentrionalem, & fluxus terrestris septentrionalis est à centro terræ ad polum Firmamenti septentrionalem, per polum terræ septentrionalem : & sic fluidum magneticum cælestē septentrionale ingreditur in terram, per polum terræ septentrionalem, & per eundem polum egreditur fluidum magneticum terrestrē septentrionale. Fons fluidi cælestis septentrionalis est in polo Firmamenti septentrionali : & fons fluidi septentrionalis terrestris est in centro terræ, quatenus emittit suum fluidum per suum polum septentrionalem, siue hemisphærium Boreale. fons fluidi cælestis meridionalis est in polo Firmamenti meridionali ; fons fluidi meridionalis terrestris est in centro terræ, quatenus emittit suum fluidum per suum polum meridionalem, siue hemisphærium australe.

SECTIO VICESIMANONA.

*De contrarietate & effectu fluidorum
magneticorum.*

PER fluidum intelligo compositum ex spiritibus magneticis, quod formâ quidem idem perseueret, materiâ verò perpetuò mutetur. per fluidum cæleste, compositum ex magneticis cælestibus, hoc est densis, siue terreis, per fluidum terrestre, compositum ex magneticis terrestribus, hoc est raris, siue igneis. Cui consequens est fluida magnetica esse contraria sub vno genere; & corporis (quatenus vnum est densæ, ac terreæ naturæ; alterum verò igneæ, & raræ) & distantia, quæ est inter polos. Per naturam genericam, & communem vniuntur, ac se sistunt hi spiritus: per naturam propriam, & specificam mouentur ad terminos contrarios; ac proinde suos terminos, ac radices seu fontes connectunt quantum possunt; terrestre quidem australe, polum australem terræ cum australi Firmamenti polo, tanquam radium cum termino; cæleste verò item australe polum australem Firmamenti

cum australi terræ polo, tanquam fontem seu radicem cum termino. Eadem est ratio fluidi septentrionalis tum cælestis, tum terrestris. fluidum autem connectit radicem, ac terminum, tollendo, seu remouendo quantum potest corpus, quod est medium inter fontem, ac terminum; tollit autem illud medium expellendo fluidum contrarium, quod habet connexionem cum suo fonte, versus ipsius terminum; sic enim radicem iungit cum termino, verbi g. terrestre fluidum australe expellens fluidum cæleste australe versus polum australem terrestrem mouet, quantum potest, polum australem Firmamenti ad polum australem terræ, tollendo, quantum potest, corpus, quod est medium inter centrum terræ, & polum australem Firmamenti: & vice versâ cæleste fluidum australe, expellens fluidum terrestre australe versus polum australem cælestem, mouet hemisphærium australe terræ ad polum australem Firmamenti, tollendo, quantum potest, corpus, quod est medium inter polum australem Firmamenti, & centrum terræ. Eadem est ratio fluidi Borealis.

Præterea totum fluidum fontem suum

naturalem vehit, quantum potest, quò fertur; ergo fluidum australe terrestre terram, quantum potest, ad cælum vehit, ac vice versâ fluidum cæleste australe, cælum, seu Firmamentum, ad terram. est ergo inter polos australes, terræ, & Firmamenti (idem dicendum est de Borealibus) nexus firmissimus: cùm fluidum terrestre moueat, quantum potest, Firmamentū ad terram, quatenus expellit fluidum cæleste versùs terram; & vehat terram, quantum potest, ad Firmamentum quatenus mouetur ad Firmamentū.

Concipienda igitur est columna, siue linea magnetica inter polos terræ, & Firmamenti, perpetua & permanens, eadem non materiâ, sed loco & formâ, composita ex duobus fluidis, quorum alterum vehat quantum potest, polos terræ ad polos Firmamenti, moueatque polos Firmamenti, quantum potest, ad polos terræ; alterum vehat, quantum potest, polos Firmamenti ad polos terræ, moueatque polos terræ, quantum potest, ad polos Firmamenti.

Motus singularum partium cuiuslibet fluidi, seu fluidi materialiter sumpti, est circularis, quia singulæ sistuntur per

vnam sui partem, per alteram mouentur: totius autem formaliter sumpti motus est rectus ab vno polo ad alium polum; Et quemadmodum fluidum densum, qualis est aqua, non mouetur motu suo naturali, nisi per fluidum contrarium, scilicet rarum, qualis est aër; neque fluidum rarum nisi per densum; ita fluidum magneticum terrestre non mouetur nisi per fluidum contrarium, nempe cæleste, neque cæleste nisi per terrestre; mouentur autem alterum per alterum, quatenus inuicem expellunt; vnde si cæleste occurrat cælesti, vel terrestre terrestri, se sistunt, quia spatium medium non minuunt, sed augent. & quia minùs quidem, sed tamen semper fluunt, terminos, quantum possunt, remouent.

SECTIO TRICESIMA.

De magnete ex terra deciso.

EX dictis facile est cognoscere naturam lapidum, quos vocamus Magnetes, quatenus sunt magnetici; sunt enim magnetici, quatenus habent fluidum magneticum cæleste, & terrestre, ad meridiem & ad septentrionem.

Lapides hi omnes è terrâ sunt, & omnes medij inter centrum terræ, & vnum polum mundi. Qui sunt medij inter centrum terræ, & polum mundi septentrionalem, vocantur septentrionales, seu Boreales : quales sunt omnes apud nos. Qui sunt medij inter centrum terræ, & polum mundi australem, vocantur australes. Magnes Borealis in fodinâ recipit vtrumque spiritum ; terrestrem, per partem, quæ respicit centrum terræ ; cælestem, per partem, quæ respicit polum mundi septentrionalem.

Vterque spiritus septentrionalis est ; sed alter terrestris, cuius fons est in extremâ parte huius parui magnetis, versùs centrum terræ ; atque adeo in parte, quæ respicit mundi polum australem ; alter cælestis, cuius fons est in alterâ parte oppositâ, respiciente polum mundi Borealem : fons hic dicitur polus septentrionalis parui magnetis ; fons ille dicitur polus australis.

Si ergo magnes ille separatur à fodinâ, per suum fluidum terrestre procedens à parte respiciente meridiem, & egrediens per partem respicientem septentrionalem, conuertetur ad septentrionem : per

cæleste autem procedens à parte respiciente septentrionem, & egrediens per partem respicientem meridiem, conuertetur ad meridiem. Itaque magnetes Boreales per fluidum terrestre conuertuntur ad septentrionem: per cæleste autem conuertuntur ad meridiem; quia conuertuntur ad centrum terræ, quod ipsis australe est. E contrario verò magnetes australes per fluidum terrestre conuertuntur ad polum mundi australem; per cæleste autem ad Borealem; quia conuertuntur ad centrum terræ, quod ipsis australe est.

Hinc oriuntur inclinationes, quæ variæ sunt propter varias à centro, & polo distantias; variæ item propter latentes scopulos magneticos: à quorum fluidis valde potentibus propter magnitudinem fontis, & propinquitatem determinantur fluida magnetica. Ex eâdem causâ oriuntur variæ declinationes.

Magnetes autem duo parui, & liberi (idem esto iudicium de magneticis) inuicem determinantur, & conuertuntur, intra sphæram actiuitatis fluidorum priorum positi. Polus enim septentrionalis vnus conuertitur ad polum austra-

lem alterius , nimirum vt componant axem. Mouentur autem spiritus magnetici ab vno huius magnetis polo ad alium per medium ipsum magnetem, quia sunt contrarij. Contrarium enim à contrario circumiacente excitatur ad motum. De hoc magnete fusiùs in tractatu proprio de magnete.

Quod dictum est de terrâ Firmamento compositâ , & vnitâ per fluxum mutuum, & magneticum; idem quoque dicendum est de multis aliis, quæ dicuntur magnetica & electrica: de potionibus medicis, & humoribus inuicem motis: contenti enim medicamento tanquam vehiculo, seu corpore, varij spiritus excitantur, ac secernuntur per spiritû vitalem, fiuntque fluidum, quod per totum corpus viuensis dispergitur, & consequenter ad humorum receptacula peruenit. humores autem fluido illo excitati, mouentur ad medicamenti locum, hoc est ventriculû, per illud spirituum potionis fluidum.

De planetis quoque, & stellis idem, quod de terra, & Firmamento, per fluidum magneticum vnitis, dicendum est; nisi quòd stellæ, & planetæ respiciunt, non polos Firmamenti, sed circulorum

peripherias in Firmamento; à quibus accipiunt fluidum densum per superiorem partem: perque eandem ipsi restituant fluidum rarum. Pro suâ verò gravitate minùs sunt Firmamento vicini alijs alijs planetæ: stellæ autem pro suâ leuitate sunt proximæ.

Per mutuum influxum sic vniti planetæ, & stellæ vehuntur à Firmamento ab oriente ad occidentem: minus autem celeriter, pro distantia & obliquitate circuli, quàm Firmamentum: vt probatum est, ac fusiùs declaratum, in Sole Flamma.

Quemadmodum ergo parui mundi membra vniuntur cerebro, & ab ipso mouentur, per spiritum animale, ita solida mundi corpora vniuntur Firmamento, & ab ipso mouentur, per spiritum magneticum.

Ex proprijs autem spiritibus aëri vel ætheri, stellæ vel planetæ vicino permistis, fit fluidum proprium circa singulas stellas, & planetas: quod à spiritu dominante varias accipere potest denominationes. Fluidum quidem vniuersale, in quo spiritus Firmamenti, & Solis dominantur, vocamus simpliciter aërem: in

quo verò est Saturnus, atque adeo in quo dominatur spiritus Saturnius, illud appellare possumus aërem Saturnium : in quo Lunæ, lunarem : & sic de aliis; in quo verò est globus Terraqueus, illud quoque vocamus aërem sine addito : nempe quia fluidum est maximè commune ex influxu omnium mundi partium, & maximè Firmamenti.

SECTIO TRICESIMA PRIMA.

Quare terra unita Firmamento moto circulariter, non moueatur circulariter.

OBIICTES contra id quod dictum est, à Firmamento moto in occidentem moueri stellas, & planetas in occidentem, quia nectuntur Firmamento per virtutem magneticam. Terra nectitur Firmamento per virtutem magneticam, ergo debet moueri ab oriente in occidentem.

Respondeo distinguendo antecedens, terra nectitur polis Firmamenti, concedo antec. nectitur circulo, nego antec. poli autem dicuntur immobiles; quia sunt termini axis, circa quem voluitur Firmamentum. fateor quidem non necti Fir-

mamentum cum terrâ per id solum, quod est immobile in Firmamento; quia reuera nihil est in Firmamento quod non moueatur, præter id quod habet rationem puncti: terra autem non necitur solum tali puncto, sed etiam partibus illi puncto vicinis, & consequenter motis quidem, sed minimè omnium. à quibus tamen terra non mouetur in orbem; quia terræ quies naturalis in loco nimia est, quàm vt destruatür à nexu cum parte motûs circularis debilissimi, propter distantiam à principio mouente; lentissimi, propter viciniam axis; & remotissimi ab eo, quod mouendum esset motu circulari, propter maximam in mundo distantiam. potest igitur volui Firmamentum circa terram immotam, licet ipsi per fluidum magneticum vniatur; hoc docent verticilla lusoria, quæ Gallicè dicuntur (*pirouettes*) illa enim vnita magnetice ferro immoto magnetis armati moueri possunt circulariter absque separatione.

Habet igitur magnetismus vim vnien-
di Firmamenti cum terrâ, & impediendæ
separationis ab illâ, propter rationes su-
prâ allatas; at neque habet vim commu-
nicandi motûs circularis terræ; neque

vim impediendi motûs Firmamenti circa illam. fluidum enim, quo connectuntur, mouetur motu recto, ergo per illud non communicatur motus circularis: est remotissimum à principio mouente circulariter, & celerrimè: est motûs recti multo minoris, quàm sit circularis; ergo per eum non sistitur motus circularis Firmamenti: & quia manet idem secundùm formam, semper vnit totum cum toto: quia verò semper mutatur secundùm materiam, non impedit separationem materialem, siue partium à partibus. Ex dictis inferes discrimen inter magnetismum, ex vna parte, & leuitatem, & grauitatem ex altera; Quòd hæc faciant in mundo distantiam; ille verò tollat. Leuitas enim mundi extremum remouet à medio, & grauitas remouet medium ab extremo: magnetismus autem vnit quantum potest medium cum extremo: Hic tollendo distantiam; illæ faciendo. nam leue mouetur supra, & circa densum, seu graue; graue autem infra, & intra leue, seu rarum, vt dictum est in Physica.

SECTIO TRIGESIMASECUNDA.

Terra quies probatur primò.

QUOD verò terra non moueatur, sic probari potest. Quod per se totum, & per omnes suas partes (hoc est secundum formam, & materiam) determinatur ad quietem, & non mouetur ab alio, non mouetur. Terra per se totam, & per omnes suas partes determinatur ad quietem, (est enim secundum formam, & materiam, siue secundum se totam, & secundum omnes partes, in loco naturali) siquidem & secundum materiam & secundum formam, est grauior aquâ, & est sub aquâ; (nempe quia nullam habet aquam propiorem mundi centro per lineam rectam) neque mouetur ab alio. quod enim mouetur ab alio, mouetur à contiguo, terra autem non mouetur à contiguo: quod enim est terræ contiguum, est vel aër, vel aqua, vel aliquid in ipsis. terra autem non mouetur neque ab aëre, neque ab aquâ: ipsa enim mouentur absque eo, quod terræ suum motum communicent; cum plerique fluuij moueantur, sicut & venti ad occidentem.

*

E

SECTIO TRIGESIMATERTIA.

Quies eadem probatur secundò.

CONFIRMATUR hæc terræ quies experientiâ duorum proiectorum eiusdem celeritatis, quorum alterum moueatur ad orientem, alterum ad occidentem, vtrumque ex eodem loco, per aërem terræ vicinum. Experientiam illam omnes admittunt, quam tamen cum terræ motu diurno consistere non posse sic probò. Pars terræ, vnde mobilia duo simul, & eâdem celeritate mota, alterum in orientem, alterum in occidentem recedunt æqualiter, non mouetur in orientem. ab illâ enim parte motâ in orientem magis recedit mobile, quod mouetur ad occidentem, quàm alterum, quod simul cum illâ parte mouetur ad orientem. Atqui, ex hypothesi, pars vna terræ est huiusmodi; ergo pars illa non mouetur ad orientem; ergo neque tota terra, cum quâ illa pars est continua, & rigida.

Ad hoc argumentum respondent, qui terram moueri asserunt, cum distinctione maioris. Pars terræ à quâ duo mobilia contrarios ad terminos, orientem scilicet, & occidentem eâdem celeri-

tate mota æqualiter recedunt ; non mouetur ad orientem ; si duo illa mobilia mouentur solùm motu proprio , & non communi ; seu totius atmosphæræ ; concedunt maiorem : negant autem , si mouentur quoque ad orientem ; & hoc contingere aiunt in hoc negotio : nam tria illa mobilia , nimirum pars terræ , & duo proiecta mouentur , inquit , ad orientem motu communi , seu totius atmosphæræ ; & simul motu proprio duo illa proiecta , alterum ad orientem , alterum ad occidentem ; quo motu recedunt æqualiter à terræ parte , vnde cœperunt moueri. Quemadmodum si concipiamus in longâ naui ad orientem in fluuiio motâ duas testudines à medio ad oppositos in naui terminos , proram scilicet , & puppim incedentes ; eæ recedent æqualiter à parte nauis mediâ , nempe motu proprio ; nihilô tamen minùs mouebuntur vnâ cum naui , motu scilicet communi , seu totius nauis , ad orientem ; ergo pari modo mouebuntur illa duo proiecta , vnâ cum terrâ , motu totius Atmosphæræ , ad orientem ; proprio verò motu recedent æqualiter à terræ parte , cui non conuenit alius , quàm totius motus.

SECTIO TRIGESIMAQUARTA.

*Si terra moueretur ad orientem , proiectum
ad occidentem eiusdem celeritatis non
mutaret locum in mundo.*

HÆc responsio supponit terram moueri : quòd verò non moueatur probat illud ipsum exemplum nauis. Faciamus enim moueri nauim in fluuio versus orientem ; constituamus in ripa rupem, seu saxum , à quò prora nauis, dum ipsa mouetur ad orientem recedat, in prora illâ constituamus mobile , quod motu còmmuni totius moueatur ad orientem , motu verò proprio eiusdem, cùm totius motu celeritatis moueatur ad occidentem : hoc mobile per talem motum non mutabit distantiam à saxo ripæ, atque adeo non mutabit locum respectu illius : quantum enim còmmuni motu recedet, tantum accedet proprio. Saxum illud seu rupes sit sol , qui supponitur immobilis ; nauis, sit terra, siue Atmosphæra : mobile, quod vehitur naui, & in illa mouetur, sit proiectum versus occidentem proprio motu, còmmuni autem, seu totius Atmosphæræ, versus orien-

tem, pari celeritate, motum.

Quemadmodum illud mobile, quod in orientem vehitur naui, & in eâ versus occidentem proprio motu mouetur, non mutat distantiam à ripæ saxo, seu rupe; ita neque distantiam mutabit à sole proiectum; atque adeo neque mutabit locum in mundo. quod certè est contra sensum.

Præterea, si proiectum versus occidentem, moueretur etiam versus orientem; multò faciliùs & longiùs, proiiceretur versus orientem, quàm versus occidentem; motus enim proprius versus orientem iuuaretur à motu communi, seu totius: motus autem proprius projecti versus occidentem, minueretur per communem contrarium: quod repugnat experientiæ.

SECTIO TRIGESIMA QUINTA.

Terra non mouetur circa solem.

CONTRA motum annum terræ est enormis distantia stellarum à terrâ, quæ illi motui consequens est; esset enim plusquam quadraginta millionum semidiametrorum terræ; in tantâ autem di-

stantiâ telescopium nihil iuuaret visum; cum tamen in viâ lacteâ, mediante telescopio, videantur stellæ, quæ sine telescopio non apparent. Quod sanè magnum est argumentum minoris firmamenti, quàm creditur, à Ioue distantia: Nam æquè latent, & apparent satellites Iouis, & stellæ lacteæ.

SEXTA ANALOGIA.

Sumitur à transpiratione spirituum.

QUEMADMODVM spiritus vitalis, & animalis penetrant omnes partes, etiam solidas, parui mundi, & per eas perpetuo fluxu ita mouentur, vt, mutati quidem, sed tamen spiritus foràs erumpant, seu transpirent (quod probat odor) ita spiritus cœlestis, & solaris, etiam solidas magni mundi partes, excepto Firmamenti conuexo, penetrant, & per eas perpetuo fluxu mouentur, ac renouantur, & ex iis effluunt vel iidem; vel per aliquam secretionem, & coniunctionem immutati.

SEPTIMA ANALOGIA.

*Sumitur ab vnione partium
per spiritum.*



VE MADMODVM nulla est in paruo mundo consistens, & solida pars, cuius materia siue particulæ non vniantur medio spiritu vitali, quo separato fiat totius solutio; ita nulla est in magno mundo consistens, & solida pars, cuius materia, seu particulæ non vniantur spiritu solari; quo separato (si tamen separetur) fit totius solutio; cui consequens est per illos spiritus factas fuisse coniunctiones particularum, seu mixtiones. His conformis est S. Dionysius, dum dicit lib. de cælesti hierar. cap. 15. num. 41. Ignis in omnibus & per omnia sine commi-
stione funditur.

ANALOGIARVM SVMMÆ.

- I. QVOD paruo mundo est aër ambiens; hoc magno est Cælum empyreum.
- II. Quod paruo est cutis seu pellis; hoc magno est conuexum Firmamenti.

72 *Analogia utriusque mundi.*

III. Quod paruo est cerebrum, brachia, & crura, hoc magno est spatium, in quo sunt stellæ.

IV. Quod paruo est cor, hoc magno est sol.

V. Quod paruo est spatium infra diaphragma clausum peritonæo, & continens ventriculum spleneæ & hepar; hoc magno est spatium, in quo sunt Globus terraqueus, & luna.

VI. Quod paruo est spatium supra diaphragma clausum thorace; hoc magno est spatium, in quo sunt cæteri planetæ.

VII. Quod paruo est spiritus vitalis; hoc magno est solaris.

VIII. Quod paruo est spiritus animalis, hoc magno est cælestis, siue magneticus.

IX. Quod paruo est conseruatio vitalis membrorum per spiritum vitalem, & eius motum; hoc magno est conseruatio mundialis partium mundi, per spiritum solarem, & eius motum.

X. Quod paruo est motus, & locus spontaneus membrorum, per motum spiritûs animalis in cerebro, & membris; hoc magno est motus, & locus naturalis partium mundi, per motum spiritus, magnetici in Firmamento, & aliis mundi partibus.

FINIS.



GOTTSCHER
RESTAURIO
1970

GOTTSCHE
RESTAURO
1970

